

宋

會

要

宋會要 賑恤 賑貸

太祖建隆元年正月命使往諸州賑貸米

太祖紀

建隆元年三月

丙辰宿州火遣使恤災建隆元年夏四月遣使分詣京城門諸餓民數十
一月振揚州城中民人米一斛十歲以下者半之建隆二年三月以金商

延州糴食苗民饑遣使賑之十一月詔濠楚民乏食令長吏開倉賑貸三

年正月以揚舒滁和廬壽光黃濠泗楚海通泰等十四州民乏食令逐路

長吏開倉賑給之三月賜沂州民種食六月詔宿州發廩賑饑民

太祖

帝紀 十二月省省慈惠相衛六州饑詔所在發廩賑之四年二月命使

臣往澧渭衡魏晉絳蒲孟等州發廩賑饑民乾德二年二月陝州言民饑

遣給事中劉載往賑之四月詔延州貸粟五千石濟麟州饑民又靈武言

饑殍者甚衆命以涇州官廩穀三萬石賑之四年三月淮南諸郡言江南

饑民數千人來歸詔所在長吏發廩賑之六年正月詔陝州集津鎮絳

州垣曲縣懷州武陟縣民饑發廩賑之開寶四年二月詔諸道賑貸借

人戶義倉斛斗是月平劉錡詔廣南管内州縣莊鄉村不接濟人戶關少

糧食者委本州官吏取逐縣委實戶數於省倉內量行賑貸候豐稔日令

只納元數六年二月言州言民饑詔運太倉米二萬石往賑之七年

正月詔通事舍人杜繼儒赴揚等州開倉賑貸六月詔河中府發粟三萬石賑饑民

太宗太平興國二年四月詔延州以倉粟二萬斛貸與貧民歲饑乏食故也六月知秦州張昞言部民艱食臣已矯詔開倉救急願以抵罪詔釋之

八年三月同州言歲饑發倉粟四十萬石賑之 雍熙二年四月以江

南數州去秋微旱民頗艱食遣監察御史安國祥太常丞馮拯崇見素左

贊善大夫馬得一王茂之張茂才樊素著作佐郎宋錫張維嵩張濟分往

虔言洪撫饒信等州與長吏度人戶關食賑貸仍將粟穀減價出糶并訪

察州縣官吏為政善惡民間利病以聞 三年八月劍州言穀貴詔遣使

以官粟賑饑民 五年正月成都府言部內比歲不稔穀價翔貴請發公

廩賑糶以濟貧民從之 端拱二年八月乾寧軍言民饑詔以官粟二萬

石賑之 淳化元年二月九月京東轉運使何士宗言登州歲飢文登牟

平兩縣民四百一十九人餓死詔遣使發倉粟賑貸死者官為藏瘞以錢

五百千分給之其逐州官吏不早具奏仍劾罪以聞二十六日河北轉運

使樊知古言深冀州民飢詔遣殿直成庭玉馳傳發倉粟貸之人五斗是

月登州再言文登縣民二千六百六十二人餓死詔悉令賑卹 七月河

南府言洛陽等八縣民飢詔糴倉粟賑之人五斗又以京師米貴遣使臣
開倉減價分糴以賑飢民二年正月詔永興鳳翔同華峽等州歲旱民
多流亡宜令長吏設法招携有復業者以官倉粟貸之人五斗仍給復

二年四月詔嶺南管内諸州官倉未先每歲糴之斗為

錢四五無所直自今勿復糴以防水旱饑饉賑貸與民 三年二月汝州

言歲飢詔以官倉未貸之人三斗 四年二月懷州言去年穀不登民無

蓄積以食牛牛多死詔本州官草苗三年準備外余悉貸之十二月詔民

被水潦之患饑饉者衆令開倉減價糴貧窮乞丐者為淖糜以賜之 五

年正月十六日命直史館陳堯叟趙况曾會王綸等并內臣四人往宋毫

陳穎等州出粟以貸飢民每州五千石及萬石仍更不理納二十一日詔

諸道州府被水潦處富民能出粟以貸飢民者以名聞當酬以爵秩 至

道元年二月六日遣將作監丞榮宋範馳往澤泉州興化軍賑貸貧民以

去年旱艱食故也十七日亮州房州光化軍言歲飢民乏食詔遣使者分

往發倉粟貸之人五斗三月詔以官倉豆數十萬石貸京畿及內郡民為

種有司言請量留以供國馬帝曰甘露沾洽土膏初起民無種不能盡地

利但竭廩以給之至秋有百倍之獲國馬食以芻藁可矣 真宗咸平元

年九月詔兩浙路留諸州運米以濟飢民十月詔兩浙轉運使蔡管內七

州乏食處振貸訖以聞 二年正月江南兩浙制置鹽茶王子與言兩浙

諸州經旱民戶未至飢殍賑貸斛斗亦皆有備帝覽奏因詔郡縣長吏常

加體量如稍有飢民盡時支與口食無令失所三月遣度支郎中裴莊內
殿崇班閻門祇候史睿祕書丞李防供奉官閻門祇候杜睿分往河南兩
浙諸州發倉廩廣為賑卹飢民閻三月筠州請發廩賑貸從之四月兩浙
轉運司言先撥常潤州廩米五萬石賑貧民尚未足請更給五萬石從之
七月度支判官陳堯叟廣南使還言西路諸州旱命國子博士彭文寶往
權轉運司事賑飢民十月以兩浙荆湖旱命庫部員外郎成肅比部員外
郎劉照太常博士李通微閻門祇候李成象往體量賑恤十一月兩浙轉
運司請出常潤州廩米十萬石賑難從之四年閏十二月命左司諫知
制詔梁顥供備庫副使潘惟吉往河北東路禮部郎中知照薛映西京
左藏庫使李漢資往河北路發倉廩賑饑民帝詔宰臣以河北諸州諸債
示之其中陳豆紅粟斗不下百錢又出麻滓蓬實曰民已食此矣速當拯
濟故命顥等焉五年二月遣中使詣雄霸瀛莫深滄州乾德軍為粥以
賑飢民六年二月遣朝臣使臣分往京東西淮南水災州軍賑恤貧民
踈理刑獄景德元年二月陳蔡沂密等州言民飢命太常丞梁象祕書
丞李遠來傳發粟以賑之九月鄆州言民飢詔開倉減價出糴以救之
二年正月六日詔河北轉運司副使分詣管内諸州軍按視飢民賑給之

口一斛戶五斛為限帝以戎寇之後居民失業慮其饑饉流離故有足命
八日令新黃州賑卹飢民十七日令淮南諸州以上供軍儲賑飢民二十
六日命常參官二人分往荆湖北路淮南諸州出官粟作糜粥以養飢民
仍令擇幕職使人強幹者專司其事長吏常按視之每十日具所賦糜粥
之數以聞自是全活者甚衆二十九日河北轉運使盧瑛言天雄軍見管
米起萬九千五百餘斤澶州四萬二千二百餘斤詔給兩處飢民二月二
日京西轉運司言襄許陳蔡等州民飢請減價糶倉粟賑救從之十日命
太常丞父仲鴻來傳詣澶州以陳粟四萬石分賑飢民三月大名府飢命
轉運司發廩賑救四月八日命鄂州發惠民倉粟賑飢民十六日以京師
穀貴出倉粟減價出糶以惠貧民二十八日漳州言茶園乏食請賑以官
米從之十一月詔於京城出倉粟減價出糶以汴沅阻淺運舟不至穀價
騰貴故也三年正月六日遣著作佐郎劉昱往開封府諸縣與令佐等
於近使出廩米賑救災傷之民家給兩頭仍貸與種糧十四日又遣太常
博士王汝勵殿中丞李道太子中允嚴登耿說著作佐郎張士遜陳從易
等馳傳分往尉氏陳留襄邑雍丘太康咸平等縣發廩賑貧民及貸種糧
十七日令京西轉運司出倉粟賑貧民仍命著作佐郎周儀馳傳詣汝

州賑貸十八日詔京西轉運司體量轄下州軍民有不能自給者時分遣職官徑往逐處出粟賑貸二十五日遣殿中丞王穆太子中允朱友直太子洗馬盧昭草分往封丘酸棗長垣等縣發粟貸貧民仍給種糧二十六日詔京東轉運司應齊淄青維登萊等州人戶有闕食者依近降勅命於封樁倉分支遣賑貸三月詔民轉般如近西州軍即委三司自京津直往彼支遣屯田郎中楊車馳往河北與轉運使體量澶濱德博等州民如有闕食處即出粟賑貸三月詔開封府京東西淮南河北州軍縣人戶闕食處已行賑貸其客戶宜令依主戶例量口數賑貸孤老及病疾不能自存者本府及逐路轉運使副并差去臣僚同共體量出省倉米救濟仍便告示更不收理四月侍御史和雜王濟言伏覩國初嘗置義倉以備賑濟今義倉已廢每州郡小有水旱朝廷即詔出太倉粟借貸農民及檢歲復多獨放慮有損軍食今後如有賑貸望本縣置簿以時理納庶獲兼濟從之四年六月詔河北轉運司如開雄州安肅廣信軍人頗艱食宜以食米萬斛減價出糶以濟之中祥符元年正月陝西轉運黃觀言慶州麥粟踴貴詔出官米萬斛減價糶之四月府州言民飢命賑之六月環慶民飢發粟糶以濟之二年二月詔賑同華等州民去歲連乾

悉蠲之四月詔陝西州軍民闕糧糗者發廩賑之五月詔西京出廩米賤糴以惠貧民六月五日令韶州出廩粟賑糴以濟貧民十二日令慈州出廩粟賑部民十一月知鄆州石司諫直史館張知白言陝西流民相續入境有欲還本貫而無路糧者臣諭勸毫民出粟數千斛計口給半月之糧凡就路者總二千三百家萬二百餘口其支貨有餘者悉給貧民之人及無主死人詔獎之三年三月詔成蘆州民艱食者賑之仍給復一年八月詔淮南諸州發廩米賑貸及賤糴以濟貧民四年四月四日以登萊州艱食令江淮轉運司雇客船轉粟賑之十六日同華州飢民有鬻子者遣太常博士舒賁駢存撫賑濟之五月京兆府旱詔賑之六月劄利聞集壁巴等州畿詔賑之十二月十一日江淮發運使邵晔言淮南路淮詔賑貸及減價出糴計廩粟三十萬石十六日京城穀貴詔發惠民倉粟賤糴以濟之五年正月詔河陽出廩米萬斛減直給糴以惠貧民二月詔京西諸州軍昨以救責雖已減價出糴尚慮民有闕食者宜令轉運司諭轄下州軍委實有飢民之處多方勸誘蓄積之家除留支用外將餘剩斛斛分散救濟仍差公幹官量口數監散內有願減半價出糴者亦聽並當等第酬獎無令減剋邀難及接便煩擾五月詔江南發運司留上供米二

百萬斛以備賑糶十月十日詔如聞建安軍等處自秋霖雨頗妨農事宜
委轉運發運使體量賑卹十二月六日令三司出炭四十萬秤減市價之
半以濟貧民時連日大雪苦寒京城鬻炭者每秤錢二百故有是命仍遣
使臣十六人分置場以內供奉官二人提撻之自是小民奔湊至有踐死
者乃命都巡檢張昺遣軍校領徒巡護賜死者家緡錢無親族者官為埋
瘞仍令三司常貯炭五七十萬秤如常平倉之制遇價貴則賤出之二十
二日泗州既官給米十萬石以賑之六年四月十九日詔如聞淮南諸
州罷糶粥之賜尚慮貧民未濟可令依舊俟其足食乃止七年二月奉
州淮陽軍言民既詔發官粟賑之三月儀州言民既詔發官粟賑之十月
淮南既詔本路轉運發運使發糶賑卹八年二月令淮南路發糶粟為
糶粥以濟飢民八月詔京兆府河中府陝西華虢州以來種借之貧民
九年二月十六日詔陝西州軍減價糶粟以賑貧乏令本路都轉運使李
迪提舉二十二日上封者言延州蕃部闕食正當農時望發鄜州廩米貸
借從之六月令廣州出廩米萬石遣官出糶以濟居民穀貴故也八月令
江淮發運司歲留上供斛斛五十萬石以備賑濟九月詔如聞廣西東西
路物價稍貴宜令轉運司提點刑獄官分路撫卹發官廩減價賑糶十二

月詔江南淮南諸州軍穀價稍貴人民闕食其無常平倉處今本路轉運司以省倉斛斗除留準備外接續出糴即不得糶與興販及形勢之家違者重寘之法 天祐元年三月八日衛州民飢命發倉廩粟萬石貸之十八日兩浙提點刑獄鍾離瑾言衢洲二州闕食官設廩粥民競赴之有赴農事請下轉運司量賑米二萬石家不得過一斗從之二十五日詔諸州官吏如能勸誘蓄積之民以廩粟賑卹飢乏許書曆為課四月四日詔河北大名府磁相澶州通利軍兩浙越睦處去秋災傷民多闕食食令轉運司運米賑濟之十一日以趙州民飢出廩粟萬碩賑之 二十八日江淮兩浙制置發運使李溥言江淮去歲乏食有富民出私廩十六萬石難施飢民五月二十四日殿中侍御史張廓言奉詔京東安撫民有儲蓄糧斛者欲勸誘舉放以濟貧民俟秋成依鄉例償之如有欠負官為理償從之八月六日知并州周起言河北民逐熟至州境者州民施飯一月詔獎起仍令召出米人宴犒之起又請發廩粟萬石減價出糴以濟飢民從之二十五日詔河北州軍今年夏麥不豐民乏種糧者官貸之九月十五日詔京東西陝西河北災傷州軍民闕麥種者發官廩貸之十六日詔河東流民有復業者發倉粟賑之十二月遣使臣置場減價常官炭十萬科以寒

故也 二年正月八日詔江淮運米十萬斛付京東及令河北轉運使出
廩賑糶以兩路粟貴故也二十二日青州請以官廩粟豆二千斛設粥米
萬斛減價出糶以惠貧民從之二十五日詔諸路災傷州軍並設粥賤糶
以惠貧民二月京西轉運司言管内貧民甚多無以賑濟望發絳州粟十
萬斛赴白波出糶從之三月知虢州查道言春雨滋洽麥苗茂盛民間多
乏種糧州倉奉除留贍用外餘四千石望以賑貸從之十月同耀州飢民
多流亡詔轉運司賑之 四年正月令利州路轉運司賑貸貧民以早故
也二月一日以淮南江浙殺貴民飢命都官員外郎韓億閻門祗候王君
訥乘傳安撫發常平倉粟減直出糶以賑之民有以糧儲濟衆者第加恩
獎其乏食持仗盜糧者並減等論罪是月詔曹濮鄆單徐州淮陽軍賑貸
民以河決為害故也三月一日令潞州以粟貸州民飼牛七日令府州賑
貸蕃部以去歲旱故也五月令永興鳳翔減價糶糧以濟階成秦鳳州流
民六月太常少卿直史館陳靖言朝廷每遇水旱不稔之歲望遣使安撫
設法招携富民納粟以助賑貸從之 乾興元年二月八日蘇洵秀州雨
壞民田殺貴人飢命出倉粟賑貸之十一日徐州民飢詔發廩粟賑貸
仁宗天聖三年三月京西轉運使張意言襄頴許汝等州經水損惡斛斗

八萬餘石不堪支遣請分給關食之民從之四年十二月詔諸處州軍
經春有斛斗儲高處處人戶失所宜令京東京西河北淮南轉運司選官
將本處常平倉斛斗減價出糶或無常平倉處即以省倉斛斗除留準備
外出糶以濟貧民六年三月成德軍言元氏縣民既請支借斛斗從之
五月河北路體量安撫王汾言保州永定軍百姓艱食已令逐處發倉廩
各萬石減價出糶自邢趙真定府等處各令支借種糧與歸業人戶并與
倚閭今年夏秋抗賦及令逐處倍加安卹從之七年五月六日中書門
下言戶房聞災傷路分募人工役多不預先將合用人數告示以致民
聚集却無合興工役並依所下司農寺令逐路有合興工役並依所計工
數曉示逐旋入役免致飢民過有聚集以致失所九年二月五日河北
西路提刑司言邢懷州連年災傷若令應副十分春夫必難勝任欲乞特
賜免放一半從之十月十二日中書門下言廣東經界轉運使等言潮州
海陽潮漲推流屋舍田苗死失人口乞令本路提刑司躬親前去依條存
恤從之治平四年神宗即位未改元六月十八日詔在京永泰景陽通
天安肅四門此月十七日給河北流民米止六月終仍曉諭以河北近得
雨令歸本貫其不願歸勿疆之仍曉令河北轉運司應災傷州軍縣分依

此曉告倍加存安臣條上言河北訛傳京師散流民米恐未流移者因茲誘引皆來入京故約束之神宗熙寧元年七月詔恩冀州河決水災令

省倉賜粟

年見恤災門

二年四月降空名祠部五百道付兩浙轉運司

令分賜本路魯經水災及民田薄收州軍相度災傷輕重均其多寡召人納米或錢以備賑濟七月十八日詔水災州軍令本路轉運使判官提點刑獄分往被災處照恤貧民闕食者支廣惠倉斛斗賑濟如不足量支省倉物仍於人戶便近處減常平物價就糶若貧人無錢相度賒糶令至秋送納其非稅戶即與遠立日限納價錢並委就近施行詔奏三年五月八日詔雄州以南屬人戶如遇災傷即時貸糧接濟依散分作料次送納六月詔在京諸倉米斛之數已豐訪聞日近民間粳米價直稍貴所有淮南上供新米仰酌中估定錢數遣官分詣市價場出糶以平物價四年二月十三日詔河北轉運提刑司體量災傷遺少雨雪州軍乏食飢歎人戶多方賑貸存恤其見欠殘零稅賦並權與倚閣三月十六日詔判永興軍郭逵如本路州軍有飢荒處並以官廩賑濟并見恤災門十六日詔緣遺熟戶及弓箭手見欠貸糧未經除放其見今闕食者安撫司更量與賑貸六年六月七日中書門下言撥正刑房公事沈祐狀乞今後災傷

年分如大段織款更合賑救者並須預具合修農田水利工役人夫數目
 及召募每夫工直申奏當議特賜常平倉斛錢召募關食人戶從下項約
 東興修如是災傷本處不依勅條賑濟並委司農寺照勘奏舉從之
 年十二月二日詔河東歲歉移屯戍兵馬五千歸營以其餘糧賑濟飢民
 仍具次第以聞 九年十二月十三日詔淮西東西兩浙路應勸誘人戶
 所出賑濟斛斗免欠未納數目特與免放其熙寧八年已後勸諭已納斛
 斗人口候向去合行勸誘即據數却與免放 十年二月二十五日詔應
 經賊殺戮之家餘存人口委是孤貧不能自活者所在州軍勘會指實特
 日給口食米十五歲以上一升以下一升五歲以下半升至二十歲止仍
 令相度每五日一支 元豐元年正月十二日賜廣濟河輦運司上供米
 十萬石付徐州淮陽軍雜興水災飢民閏正月十三日詔河北路以常平
 米賑濟飢民三十日詔河北被水戶如過河運燕即於白馬縣河橋差官
 賑之四月七日詔以瀛州陳次米依災傷及七分例貸第四等以下戶不
 得抑配免出息八月二十八日詔濱棣滄三州第四等以下被水災民令
 十戶以上立保貸請常平糧四口以上戶借一碩五斗五口以上戶借兩
 碩免出息物稅百錢以下權免一季二十九日詔青濟淄三州被水流民

所在州縣募少壯興役其老幼疾病無依者自十一月朔依乞丐人例給口食候歸本土及能自營或漸至春暖停給二年正月二十三日上批聞階成州去後災傷艱食之民流者未止官司初不經畫賑濟可下司農并本路提舉司疾速施行二月十三日詔聞齊兗鄆州穀價甚貴計直費二百難食流轉之民頗多司農寺其蒲州縣以所積常平倉穀通比元入斗價不及十錢即分場廣糴潰棣滄州亦然同日三司言濟淄等州穀貴春夏之交慮更艱食請輟廣濟河所漕穀二十萬石減價糴從之二十六日知滄州張問言民飢至相食今州倉大豆四萬九千餘石可支五年漸有陳腐乞留二年外斥其餘以賜飢民可活良民三萬口上批可下提舉常平事李孝純速相度施行四月十二日詔河北東路提舉常平倉司所散潰棣滄州饑民食至五月止三年七月十三日入內東頭供奉官瀘州勾當公事韓永式言利州路雨水溪江泛漲漂流民田物價增長民未安居乞下本路轉運并提舉司賑濟詔提舉司依條施行九月初二日權知都水監丞公事蘇液言河北京東兩路緣河決被患人戶蒙朝廷賑濟放稅乞以其事付史館從之詳見恤災門四年二月二十九日詔聞階成鳳岷州人戶缺食流移令逐路第四等以下人戶支借常平糧斛每戶

不得過兩石仍免出息詳見恤災門 五年六月十一日詔宜州主管路

洞晏化三州連歲存饑已差官廣為賑濟朝廷之意非欲取其他但欲各

免饑殍侵畧之災 六年六月二十七日詔甚災傷處第四等已下戶缺

乏糧種雖非給散月許結保借諸雖有欠缺亦聽給限一月免納息 七

年四月二十五日河東路提舉常平司言去年災傷民戶缺食義倉穀不

多乞於常平封樁撥支三五萬石賑濟從之六月一日詔五路提舉保甲

司已撥常平糧準備賑濟令相度保甲戶遇災傷不及五分當如何等第

賑濟條具以聞後提舉河東路保甲王崇拯言賑濟災傷保丁四等以下

本戶災傷及五分以上即依常平司七分以上法從之河北陝西開封府

界准此七月九日詔尚書戶部員外郎張詢幹當御藥院劉惟簡賑濟西

京大名府被水災軍民詳見恤災門 二十一日詔河北河東路被水保甲

令州縣考實賑濟小保長保丁一碩大保長二碩都副保正三碩提舉保

甲官分詣諸縣照管具賑濟人數以聞八月十四日詔汝州水災許偕鄰

近州縣常平倉米麥小豆共五萬碩 哲宗元祐元年二月一日詔大名

府自經水災民田尚少滄浸人戶艱食向雖賑濟尚慮官吏拘文使被災

之民未蒙恩澤宜奏大名府路安撫使韓絳詢訪賑濟四日詔淮南東西

路提舉常平司體量饑歉以義倉及常平斛斛依條賑濟訖聞卷三月二十六日詔府并諸路提點刑獄司體訪州縣災傷即不限放稅分數及有無披訴以義倉及常平米斛速行賑濟無致流移同日夔州路提舉常平官傅傳正言州軍去年災傷放稅分數不多亦有全不申訴者臣見民間困急不敢坐視已依災傷及七分以上賑濟所有專輒之罪謹自効以聞詔特放罪仍候到闕日優與差遣四月初二日左司諫王巖叟言訪聞淮南旱甚物價踴貴本路監司殊不留意詔發運司截留上供米一十萬石比市價量減出糴與闕食人戶每戶不得過三石其糴到錢起發上京四日詔開封府諸路災傷逐縣令佐專切體量人戶委有闕食速具事實申川及監司仍許一面將本縣義倉常平斛斛賑貸據等第逐戶計口給糴大者日二升小者日一升各從民便五日或一日至半月齋廚詣縣請給給遺若本縣米穀數少先從下戶給有餘則并及上戶候夏秋成熟日從所貸過數隨稅納闕食之民貧乏不能自存或老幼疾病不任力役者依乞丐法給米豆其賑濟糴穀並據鄉村闕食應糴之數給糴許五日或十日一糴無令抑遏此外若令佐別有良法使民不乏食而免流移者中州及監司相度施行半月一具賑濟次第聞奏仍體量令佐有能用心存恤

關食人戶雖係災傷並不流移者保明聞奏當議優與酬獎其全不用心賑貸致戶口多有流移者取勘聞奏特行停替從三省請也同日詔江淮發運司體量災傷州縣關食處仍令宿亳州分析不申奏災傷次第及具見今斛斛價例各疾置以聞時宿毫災傷尤甚監司並無奏報右諫議大夫孫覺言淮浙災傷米穀踴貴慮盜賊因緣而起乞差官體量廣行賑濟通下諸路轉運提刑司災傷各以實言不實者坐之災傷雖小而言涉過當者不問如此則諸路不敢不言朝廷隨災傷之大小賑濟而防虞之則四海之內無倉猝之憂矣二十六日殿中侍御史林旦言都城以來米麥價長若翔踴不已恐細民蒙害望下戶部依條通計米麥元價令司農寺止以逐食官吏每月史代管勾置四場出糶以濟關乏從之仍戶部差官置場五月十六日尚書省言元豐六年江淮等路發運司奏免置在京封椿關額禁軍糧米五十萬石價錢限半年上京送納今淮南災傷賑濟慮有闕乏詔令淮南轉運司相度本路如關斛斛仰依元豐六年例六月二十六日詔河北路監司分詣諸州以義倉常平穀賑濟被水關食人戶十一月二十八日權發遣淮南路轉運副使趙偁言楚海等州水災最甚乞發運司於常潤州糶糴種十萬石以備楚海等州來春布種以糶以貸

從之同日戶部言左司諫王巖叟言賑濟人戶必待災傷放稅七分以
上方許貸借而第四等以下方免出息殊非朝廷之意乞如舊法不限災傷
分數並容借貸不均等第均令免息看詳元豐令限定傷災放稅分數支
借種子條合依舊外應州縣災傷人戶闕乏糧食許結保借貸常平穀從
之十二月十八日侍御史王巖叟言伏覩十一月二十九日勅戶部看詳
元豐令限定災傷放稅分數支借種子條合依舊存留外緣臣元奏本以
賑濟舊法災傷無分數之限人戶無等第之差皆得借貸均令免息新條
必待災傷放稅七分以上而第四等以下方許借貸免息殊非朝廷本意
故乞均令借貸以濟其艱今戶部復將支借種子條依舊存留切以災傷
人戶既闕糧食則種子亦闕豈可種子獨立限隔臣欲乞通為一法於所
修糧食字下添入并種子三字庶使被災之民廣霑惠澤從之二年二
月四日詔左司諫朱光庭乘傳詣河北路與監司一員徧視災荒賑濟有
未盡事並得從宜事體稍重即奏稟官吏奉法不虔即按劾以聞是歲十
一月二十六日監察御史趙挺之方蒙言去年北邊州郡被水災光庭奉
使體訪賑濟不問民戶三等一粟支貸蓋一出使而河北措置之財遂空
乞行照陟以允輿論詔光庭具拊以聞十一月六日詔運淮南二浙穀四

十萬斛賑濟京東路 三年正月十二日詔發京西南路關額集軍糧穀五十餘萬斛減市價出糴至夏麥熟日止以雪寒物價翔踴也二月六日詔以常平錢穀給在京乞丐人至季春止同日詔開封府界自冬及春陰雪民間有願借糧種者令提刑司量度戶等第及貸訖具數以聞二十八日詔陝西路轉運判官孫路賑濟鎮戎軍被傷及劫虜民戶十二月十六日知永興軍韓鎮言本路比歲災傷闕食請於法所給米豆更不限數從之 五年二月七日詔災傷處令佐賑救人戶不致流移所推酬獎災傷五分以上與第五等七分已上與第四等以戶部言於熙寧勅係第五等於元祐勅係第四等分數未盡立法之意故也 六年七月二十二日侍御史賈易言浙西災荒朝廷選差轉運使奉象求判官楊環寶賄米百萬斛錢二十餘萬緡俾之拯救州縣自亦依條賑濟欲乞明詔本路具災荒分數賑貸次第以聞八月二十八日監察御史虞策言兩浙災傷州縣糴米多為販夫與公吏相結冒糴次及彊壯之人其飢羸者轉受困餓或被蹂躪死傷乞下本路監司覺察轉運提刑司提舉分布諸處賑糴務要實惠飢民內興販及彊壯者不得一例糴散如官吏措置乖方及公人用情並令依法 八年四月十一日兩浙路轉運提刑司中檢會浙西州縣累

經災傷蒙朝廷相繼發米赴本路賑濟除接續賑糶過外其逐州有見管
淮南江西等路發到賑糶不盡米四十餘萬石別無支用欲赴此蠶月鄉
民間食之際各許令人戶赴官請借每一斗候至向去秋成納新米八升
還官仍限四年均隨本戶苗稅帶納詔其未許充軍糧外餘數仰置場
減價出糶十二月十四日以京師流民詔特出錢米各十萬付開封府計
口支給 紹聖元年二月十四日三省言北京澶滑州民被災最重糶食
者多及軍食闕未見監司奏請詔呂希純并亮采因接濟河北所至體訪
所當施行疾速具奏三月二十二日三省言準詔賑恤流民令還本業昨
已降指揮應流民支與口食遣還本土所在官司關官屋權令宿止疾病
者醫治仍不限戶口米豆碩斗賑濟令戶部指揮災傷各分監司嚴加督
責州縣推行務要民受實惠如更有合行賑恤事令速施行上曰聞京東
河北之民之食流移未歸本土宜加意安恤給糧種差官就諭使還農桑
業范純仁等對曰今已給常平米又許官所養牛質取官緡錢免租稅貸
與穀麥種矣上曰更思其未至者行之九月六日詔遣監察御史劉拯乘
傳按河北東西路水災州軍賑濟闕食人戶應合行事令條具以聞二十
九日詔府界京東京西河北路應流民所過州縣令當職官存恤誘諭遣

賑濟

還本上內隨行別無資蓄者仍計口給厯經州縣排日給食至本處如合賑濟依災傷放稅五分法內老幼疾病未能自還及不願還者計口給十月十七日詔京西南北路提舉司官躬按州縣督視州縣無令流殍詢其所存活數申尚書省二十一日詔河北東西路被災經放稅戶雖不及五分所欠借貸錢斛并抵當牛錢等倚閣候豐熟日分計料輸其非被災放稅戶所欠錢斛視此仍除結保均陪之令流民在他路者官吏以至意諭曉使歸業給券使所過續食不願者所在廩給之二十三日詔滑州委官於浮橋北岸諭南來流民以朝廷寬通移粟賑卹曲折使歸業同日詔近者大河東隄防未及增繕以故瀕河被害者衆南來者多留京師流離暴露隆冬日迫臨於死亡生視不恤其謂朝廷何既詔有司恣意賑贖其令開封府即京城門外行視寺院官舍以居之至春諭使復業二十五日詔河北路監司令州縣官諭富民有積粟者毋聞難官為酌立中價毋得過犯者坐之同日詔賑濟司河北重兵所宿費不貲其審閱老弱疲瘥不能自存者厚廩食之母專以多散蓄積為功而實惠不及於民乃遣使本意仍具措畫方畧申尚書省二十六日詔給空名假承務郎勅十太廟齋郎補牒十州助教不理選限勅三十度牒五百付河北東西路提舉司召人

入錢東充賑濟二十八日宰臣章惇言軍食不可闕請通約他司米豆足
支一年悉斥其餘以廩飢民即米豆闕散常平錢之在官者民得錢亦可
以市糴醴醪乾上惻然曰飢人所迫麻料亦以為食何暇擇其為朕亟行
散錢之令十一月十九日詔河北路州縣當職官賑濟有方能撫存飢民
才能顯著者具事狀以聞府界京東京西等路有河北流民所聚州縣仰
逐路監司准此二十一日詔河北路災傷州軍賑濟並四月終併給口食
外有非老幼疾病之人候至三月終併支與四月分合給糧食發遣歸業
二十三日權發遣河北路轉運副使張景先言思冀瀛莫雄州順安廣信
軍約定合用糴貸糧斛共五十三萬石緣本路斛斗不多慮有闕乏詔逐
州除準備軍糧及賑濟外方許出糴仍不得一例借貸十二月六日詔京
東西河東路提舉司將放稅不及五分者審驗得災傷稍重闕食不能自
存或老幼疾病之人並權依五分法賑濟二年二月十一日詔河北京
東路賑濟災傷各令轉運提刑提舉司依先分定州縣巡歷如官吏奉行
不盡或措置乖方以名聞仍令逐路安撫司常切覺察十四日詔內藏庫
支錢十萬石絹十萬疋分賜河北東西兩路提舉司準備賑濟從御史董
敦逸請也四年九月一日左司諫郭知章言兩浙歲旱淮南又不常全

檢已下本路監司按視早備賑貸詔兩浙路轉運常平司應荒政並舉行
元符三年三月二十六日 詔案已而位未改元 戶部言
河北被災諸郡近據東路提舉常平司申撥賜到措置斛斗四十五萬石
若賑給至四月終委有餘剩數目即許提續出糶其西路下提舉常平司
將來罷賑濟後民食尚艱即令依條減價出糶常平斛斗並候二歲收成
日住罷其行商與販斛斗往災傷去處糶賣乞依已得轉告與免商稅至
五月終從之五月二十七日詔知太原府范純幹專切體量賑恤河東流
亡飢殍之人河北陝西帥臣率此十二月六日詔以大寧令有常損價出
糶倉米以惠細民 徽宗崇寧三年正月二十四日戶部言新兩浙路提
舉刑獄公事周誼奏常潤兩州去秋蝗旱春夏之際糧食尤闕欲乞量度
賑濟月分至四月未看詳欲下兩浙轉運提刑提舉司體度如委有災傷
人戶闕食至三月終未可住罷從之十月十四日詔兩浙杭越溫婺州秋
苗不收人戶失於披訴並量與檢放其孤貧不濟人戶仰提舉司廣行賑
濟如物價增長即速以常平米平價出糶 并見恤災門 五年正月二十
五日詔兩浙路提舉司賑濟水災乏食者 大觀二年八月十九日工部
言邢州秦鉅鹿下埽大河水注鉅鹿縣本縣官私房屋等處被淹浸詔見

在人戶依放稅七分法賑濟如有孤遺及小兒並送側近居養院收養內
有人戶盡被漂失屋宇或財物仍許依七分法借貸不管却致失所仍具
賑濟居養存恤次第事狀聞奏詳見恤災門九月二十九日水部員外郎
東長儒言奉詔體量邢州鉅鹿縣被患甚重欲指揮本路監司下所屬疾
速將本縣被水第三等人戶亦依第四第勅條賑貸從之十月七日詔秦
鳳路汎民盡赴熙河路州軍本路備邊糧買為重深慮流移民戶積日浸
久耗盡北邊糧食可平常平司悉心措置賑濟存恤早令復業仍具流移
戶口確實數目及賑濟措置次第以聞三年八月十七日詔常潤州未
價踴貴可量發常平斛斗賑濟人民九月六日詔東南路比聞例有災傷
斛斗踴貴仍下諸路監司仰依實檢放秋苗分數仍依條賑濟四年三
月二十六日詔湖州饒州災傷至甚賑濟米豆並展至四月終四月二日
詔荆湖北路去歲災歉推行賑濟本路倉廩物斛所蓄不多不接支用可
相度給降空名度牒二十道借奉職假將侍郎告勅各七道量度數目多
寡并逐色所直錢數目付本路監司與席貢同共分擘付逐州軍曉諭民
間依陝西河北人戶入粟事體入中物斛如米豆大小春計所入數合支
價直以前項物充折別項拘收應到本職六十貫借職四十五百貫假將

仕郎三千二百貫度牒二百貫四日詔東南六路災傷倉廩物料不按支
用江南西路給降奉職借職假將仕郎告各七道度牒二十道江南東路
淮南兩浙湖南路各給降奉職告三道借職告四道將仕郎補牒三道度
牒二十道並依湖北路已得指揮施行 政和三年三月二十三日詔潤
州丹陽丹徒兩縣災傷杖稅及七分以以上常平賑貸在法至三月終罷緣
今歲有閏田事必晚可展至四月終應有類此災傷州縣亦依此施行可
疾速行 五年三月二十五日梓州計度轉運使趙通言瀘州管下夷人
結集作過緣邊一方戶口數千糧斛財產盡被劫掠不惟夏麥收成不得
秋穀又失種蒔悉皆失業除已行下抄劄逐急以係省錢糧支借存撫外
欲望朝廷詳酌特降指揮下本路提舉常平司指置優加賑濟施行從之
六年三月十日詔浙西常湖秀州平江府等處自去歲水災秋成尚遠
其貧闕不濟人戶仰本路提舉常平司通融那移一路應管常平義倉與
朝廷封樁未斛權依乞丐人法不限戶口石數特加賑給四月八日詔添
入湖州並以七分災傷條例七月六日知杭州徐鑄言奉詔賑濟錢塘仁
和鹽官餘杭富陽縣去歲水災貧闕人戶自四月十五日接續賑給止六
月十五日尚未有米穀相繼上市已一面行下展至六月終從之八月十

八日兩浙提舉常平司言奉詔常秀湖州平江府等處水災權依乞丐人
法賑給今據逐州管下共二十五縣賑濟總四十三萬餘口乞至收成日
住給從之十月十九日詔平江府管下屬縣有水災去處令依十分法賑
濟八年七月十六日詔高陽關路去歲賑濟全活百餘萬人河間府滄
州為多安撫使吳玠特降詔獎諭官吏推恩有差八月二十五日詔江淮
荆浙被水州軍漲水已退殘潦餘浸占田無藝民不得耕比屋推地無以
奠居可令郡令佐悉心賑救提舉司於上供或封樁斛斗內量人戶多寡
截充賑濟即不爭占候將來豐熟於常平司撥運上等四十萬石中等
三十萬石下等二十萬石九月二十七日詔江淮荆浙以被水人戶多
寡分上中下三等許截上供斛斗賑濟可依已降處分作三等截留四十
萬如違以大不恭論其後宣和元年正月七日臣僚言兩浙廉訪所申
據轉運司申截撥到本路米一十二萬七百石其餘分下平江府湖州秀州
收糴應副又於鎮江府截住常州米綱樁充賑而轉運司稱係來年頭斛
之數令起發渡江恐致生靈不得均受朝廷惠養詔昨降御筆截上供米
賑濟飢民非不丁寧而嘉吏公然違慢不行截撥更於闕食之地收糴以
充賑給是乃重困飢民非方若此仰提刑司并廉訪使者驗實人吏依法

決訖配千里轉運司官追三官勒停其後轉運司奏已支撥賑濟米四十萬石足備無闕詔副使蔣彛以應奉宣力特免勒停追官改作降官依舊在職十月八日詔諸路民被水患深淺不同州縣賑給不可一槩限滿住罷仰監司州縣悉心體究如被水尤甚民力未能自營不得便住賑給務在存活人命亦不可濫冒忠姦重和元年十二月十九日詔淮南被水楚州山陽鹽城二縣下戶飢殍三萬二千餘人無業可復縣官悉令放散違携老扶幼號訴監司而常平官告諭為乞米未下各令歸業轉於溝壑者已不少指揮到日於已截斛斛支撥賑救不足於鄰州鄰路發義倉先換支遣其郡守知縣常平官先次勒停受訴監司降兩官並令提刑司取勘限十日奏宣和元年二月十八日尚書右丞范致虛言奉詔楚州山陽鹽城二縣被水令截撥斛斛賑救不足於隣州隣路發義倉先撥支遣竊以災傷路分廣遠自江淮荆湖南川各被水患物價騰踴方春正多飢殍強壯者流為盜賊類多乞丐以市斛斛或米在田蔬茹之類甚者無從得食老稚轉徙甚可哀痛按義倉法唯充賑給不得他用此歲數豐未嘗支遣諸路義倉之粟甚多欲望府省應去歲災傷州縣並量從核實災傷人數及外來流民並給義倉物斛賑濟數俟災復官司以前不曾檢行特

興救罪若今來指揮到依前庇隱令廉訪使者按劾以聞若常平及本州
通用諸縣義倉物斛計度依散不足並許依楚州兩縣所得前件指揮於
鄭州鄭路發義倉充撥支遣詔京西路潁汝陳蔡等州見今民已流移飢
殍盈司州郡並不中奏運司庇隱不放租稅致不得依災傷賑濟遣使斯
民轉於溝壑吏為姦罔不奉法令以致如此為之惻傷可令新京西漕臣
李祐放謝辭星夜來騎前去體量常平官孫延壽先次勒停餘監司并守
臣一一並具名奏應一路義倉可並特通融支撥賑濟施行應災傷流移
地分並令依法放免租稅疾速行下五月二十九日詔淮浙去歲被水田
業多荒今雨暘順適耕種是時民無力施工可令兩路提舉常平官散倉
廩廣行借貸毋或失時施行訖具奏從兩浙轉運司請也 二年六月四
日詔開封府賑濟乞丐二萬二千餘人當職官吏推恩有差十月九日詔
淮南災傷飢民流離常平官其躬至所部竭力賑濟十二月二十五日詔
睦州及管下應避賊人令所在官司依條賑濟 詳見世宗門 三年正月
十四日詔宣歙杭睦州民居緣免賊劫畧逃避既無所得食遂至失所慮
其間少壯之人或聚為盜老弱幼小不能自存轉于溝壑深可矜惻仰江
南兩浙路漕臣憲司提舉常平及所在處郡守倅當職官等多方撫諭優

加存恤如有關食之人官為賑濟務在安集毋令失所仍各具知稟狀以聞二十六日詔兩浙江路避賊士族百姓流離無以自給及無居止宵旰惻然令州縣措置賑給借與官舍勸誘歸業八月十二日詔徽州已降指揮依七分法借貸被賊燒劫州縣人戶依災傷流移法賑濟其兩路復業人戶若闕少牛具種糧等仰促舉司審度量行借貸訖奏四年十二月十三日詔德州有京東路西來流民不少本州知通張邦榮王景溫等見行賑濟於在城并安德平原縣三處措置宿泊計六百三十一戶除已該給券還鄉外尚有五百餘戶各得均濟仰本路提點刑獄司完實聞奏取旨量推恩其餘路分遇有流移人戶不即依條存恤者並仰監司廉訪使者按劾以聞五年正月四日臣僚言聞蜀父老謂本朝名臣治蜀非一獨張詠德政居多如賑糶米事著在皇祐甲令常刻石遵守至今行且百年其法一斗止糶小錢錢錢三百五十文人日二斗團甲給磨赴場請糶歲計六萬碩始二月一日至七月終貧民關食之際悉被朝廷實惠比年漕臣不職未直漸增或陳腐不堪雜以糠粃不獨損六萬之數且幾察不嚴乞賜施行詔漕臣檢會皇祐條例措置以聞十月二十八日詔大河暴漲由恩州河清縣王余渡東向泛溢衝蕩大明府米城縣本縣被水人

戶令本州提舉常平官親詣流移所在通行賑濟 六年五月十三日前
知平陽軍府事商守拙言契勘諸路州縣給散乞丐人米依條立期五日
一給不以所居遠近皆集一處給散欲乞遇風雪權令就近支散無不失
所從之八月十八日收復燕雲赦應貧乏及饑民並以係官錢米賑濟無
令少有失所十月二十七日詔浙西諸郡夏秋水災救貴糶食民戶流移
已降指揮於所在依條賑濟訪聞常平司見管未斛數少可於本路實有
見在未或見起上供米內截撥五七萬石付提舉常平官躬親往常秀平
江等處隨宜分擘應副賑給務令實惠均及飢民十一月十七日詔河北
京東夏秋水災民戶流移繼踵於道可令應所過州軍隨宜接濟若常平
義倉不足即發封樁應于斛斗賑給令實惠及人 高宗紹興元年五月
十四日詔諸路見今米價踴貴細民鬻食令州軍將常平倉見在米量度
出糶仍廣行勸誘富家將願糶米穀具數置厝出糶州委通判縣委令佐
如糶及三千石以上之人與守闕進義副尉六千碩以上與進武副尉九
千碩以上與下班祇應一萬二千碩以上與進義校尉一萬五千碩以上
與進武校尉二萬石以上取旨優異雜思如已有官蔭不願補授名目當
比類施行並令州軍保奏通判令佐勸誘人戶出糶數多令本路監司保

奏等第推恩務要實惠及民即不得虛構數目陳乞推恩仍令監司覺察如違按劾取旨重作責罰二年八月十一日詔福建路亢旱米價翔貴令本路提刑司將泉州寄却廣南米取撥三萬碩賑糶仍酌量逐州軍豐歉次第分撥三年六月十二日荆湖南路宣諭薛徽言已檄州縣勸誘上戶借貸糧本月終考厝以多寡為殿最其上三名與免公罪杖一次稍多者又與免科役一次優異者保明申本司又就全永間通那省米應副借貸應第四等以下戶計人為一甲於本州給據自齋赴撥米州軍請領於是戶部言人戶災傷在法以常平錢穀應副不足方許勸誘有力之家出辦糶貸兼已剋刷湖南有未州軍支撥二萬碩付本路提刑司專充賑濟支用今乞下提刑兼提舉常平司遵已降指揮施行毋致人民流移夫所從之五年四月十四日中書門下省言勘會民間米斛踴貴詔令戶部借貸神武中軍糧食一月令盡數出糶九月七日殿中侍御史王縉言應民旅販販米斛往平陽州縣出糶依日前指揮許就官司判狀執提與免經由場務力勝亦賑救之一也從之十二月七日江南西路轉運司言筠袁洪吉江撫州臨江興國軍及臨江軍新喻縣災傷乞支給本路苗米五七萬碩委提舉司以州縣災傷分數取撥比市價減十分之三糶及

令州縣勸諭有力之家入納粳米每一千碩或稻穀每二千碩如係曾傳
文解人三代中有文官無刑責補迪功郎餘人補承信郎依獻納人例理
選限陞陟從本州保奏給降付身便作官戶免身丁差役免審量令本路
帥司舉辟合入差遣其人納到米即減價賑糴并令州縣出給公提勸諭
商賈收糴斛斗從便出糴與免力勝稅錢每米百碩許附帶貨物約百貫
詢訪停場斛斗之人勸諭量取利息責認碩斛數日出糴接濟及飢民合
給米豆雖放稅不及七分縣分亦許販給委提舉司審度若常平穀不足
聽取撥入納到米謂今米因災場勸誘到者支給候將來有納到義倉斛
斗却行撥還州縣當職官賑濟有方者委提舉司保明提刑司覈實以聞
優與旌賞詔已令收糴米斛六萬碩準備賑濟今乞支苗米雖議施行內
勸諭人納稻穀依入納米補官便作官戶一節見別作施行外餘並依仍
委知通勸諭有力之人出糴斛斗接濟不得搔擾 六年正月十三日詔
令湖南轉運司於已科撥去年上供米內存留三萬碩從本路帥司量度
災傷輕重分撥付州縣專充賑濟使用二十六日上宣諭輔臣曰歲飢民
多流殍朕心惻然官為發廩以賑給之則民受實惠苟為不然雖詔令數
下恐徒為文具耳宜申飭有司多方措置米斛二月一日詔令江西轉運

司於去年上供米內支撥一萬碩付本路帥司斟量災傷輕重與常平米相兼均依賑濟支用七日右諫議大夫趙霈言去秋旱傷連接東南今春既饑特異常歲湖南為最江西次之浙東福建又次之伏覩累降指揮賑濟固備盡矣然今日賑救有二一則發廩粟減價以濟之二則誘民戶賑糴以給之諸路固嘗許借常平義倉米又常令州縣賑糴艱難之際兵食方闕州縣往往逕急移用無可賑給唯勸誘賑糴尤為實惠然自來官中賑濟多止在城郭而不及鄉村願以上戶所認米數紐計城郭鄉村人戶多寡分擘米數縣丞簿於在城及逐鄉安開處監視出糴計口給曆照支或支五日或併支十日其支籌收錢並令人戶親自掌管官司不得干預既無所擾人亦願從乞中嚴戒諭如當職官不親詣鄉村監糴米斛與故縱人吏科擾令監司按劾及許人戶越訴其官吏重行竄斥從之三月七日成都潼川府夔州利州路安撫制置大使兼知成都府席益言東西兩川去秋荒歉及成都府路田事不登物價騰踴欲令四川都轉運司不以是何名色米權行截撥專充賑濟或減價出糴以平米價詔令趙開除應副軍糧外將其餘應干米斛寬剩撥付四川安撫制置大使司量度逐路災傷去處均行賑糴二十九日殿中侍御史周秘言去歲旱傷小民艱

食命所在勸誘積粟之家置厝出糶過三千石者等第推恩而州縣奉承
 不恪勸導無方乃謂富民頑悍說諭不從遂降指揮許令一面酌情斷遣
 州縣官吏不問民之有無而專以刑威逼使承認善良之民被其害矣欲
 望再降指揮專委諸路提舉官編詣所部戒約守令多方勸誘務令民戶
 樂從無因今來酌情斷遣指揮輒有分毫撓擾詔依令諸路提舉常平官
 躬親通詣所部州縣巡按覺察如有違戾去處按劾聞奏其提舉官失覺
 察令御史臺糾劾四月十二日江南西路安撫置判大使魚知洪州李綱
 言已遵脣訓勸誘出榜置厝差官分詣諸州委知通縣官召上戶積米之
 家許留若干食用其餘依市價量減盡數出糶其流民官中賑濟竊恐秋
 成尚遠難以接濟以一面勸誘上戶納錢米入官以助賑濟乞許給官告
 度牒之類折還價直從之二十三日詔筠州高安上高兩縣當職官各先
 次特降一官放罷今本路提刑司取勘具奏聞奏以提舉常平司言賑濟
 乖方至有盜賊竊發殍亡暴露田畝荒菜飢民失所故有是命五月一日
 荆湖南路安撫制置大使魚知潭州呂頤浩言被旨令廣西提刑韓璜收
 糶米三萬碩般發前來賑濟已節次催促至今並無顆粒到來望將上件
 朱斛委韓璜催督水運至湖南却委本路運使分撥州軍交卸以濟飢民

詔令劉鵬向伯詹疾速發二十六日詔知婺州周綱除直龍圖閣知撫
州劉子翼除直祔閣並特令再任以中書言並治郡有方賑濟宣力故有
是詔八月二十九日詔韶州李紹祖特與減二年磨勘以廣西提舉常平
韓璜言起發湖南賑糶米有勞故也十二月十四日尚書省言江東西湖
南路去歲早傷近據申奏賑濟飢民萬數不少其逐路帥司及常平官指
置有方甚稱委寄除江東帥臣葉宗諤已別作施行外詔帥臣呂頤浩李
綱提舉趙不已吳序賓令學士院降詔獎諭同日尚書省言去秋江湖旱
傷人民闕食朝廷支撥米斛及委帥臣監司并州縣守令賑給竊慮其間
奉行減裂却致死損流移數多合行比較優劣詔令逐路帥臣監司於本
路早傷州縣各比較三兩處保明取旨賞罰十五日詔四川去歲旱荒之
後斷以疾疫流亡甚衆深用惻然其郡守縣令有能賑給困窮撫存凋瘵
善狀最著者令席益體訪詣實保明來上當議獎擢以為能吏之勸或廢
慢詔令坐視不恤按劾聞奏亦當重寘典憲 七年十月八日詔潼川府
守臣景興宗陞一職廣安軍守臣李瞻果州守臣王鵬前吏部郎中馮樞
漢州守臣王梅各轉一官知成都府席益令學士院降詔獎諭仍令四川
安撫大使司開具其餘各轉官人職位姓名以聞 以四川安撫制置使

席益言諸州賑貸有方法既民甚眾內馮概出米四百碩以助賑濟故有是命九年十一月六日臣僚言曩者早暵為災官嘗發廩勸糶而州縣奉行姦計百出有民戶初非情願均令認數以應期限而平時儲積之家得以幸免者有所在初無收成勒令轉糶以賑城郭而本鄉流離不暇顧卹者願詔執事選擇廉謹徇明之吏推行德意務使實惠及民蓋草前獎詔令戶部約束十年三月十九日臣寮言諸處糶米賑濟只及城郭之內而遠村小民不霑實惠向陳正同通判婺州賑濟極有條理雖窮谷深山之民無不霑實惠而州縣之吏亦不至勞乞令陳正同條具賑濟事件付戶部看詳通下諸路依此施行從之十二年三月二日詔紹興府早傷秋苗令於義倉米內支撥一萬碩置場出糶十三年三月十八日詔令淮南總領呂希常於大軍米內支三千碩量度分撥於鎮江府委官管押前去米價踴貴去處減價出糶仍令淮西總領吳彥璋勘本路如合出糶依此施行十四年六月十五日上宣諭輔臣曰福建浙東被水災去處已令寬恤賑濟尚恐州縣減裂令逐路監司各躬親前去悉力奉行務要實惠及民不得徒為文具十五年七月三日知泉州吳序賓言汀虔盜賊鱗集泉南七縣罹其荼毒且致饑餓雖軍儲不足而義倉積粟見

存七萬碩欲開倉賑貸內殘破四縣乞比附災傷七分之法各借種子三千碩自第四等以下戶委縣官隨便借貸詔每縣於義倉米內支撥二千碩應副借貸十八年十一月二十三日上諭輔臣曰紹興府災傷闕食人戶以義倉米賑濟無使失所如別有災傷去處亦令戶部多方措置十二月十二日上宣諭輔臣曰近令提舉常平官躬親詣災傷去處賑濟竊恐所轄州縣間遠點檢遲滯可更令分委屬官悉心賑濟將來春耕合用種糧須令預先措置臨期借給使之耕種及時則贍養供輸公私兩濟十九年二月四日上諭輔臣曰春雨膏潤於農事極利農事種糧為急若種糧不足則秋成無望昨已降指揮災傷去處令提舉常平司借給可更丁寧戶部應副十九日詔逐路災傷去處可令縣官措置齎發米斛就鄉村賑給逐州委通判點檢逐路委提舉常平官按察仍令御史臺覺察彈劾二十八日詔近有紹興府等處飢民在比求乞日有飢死者可令臨安府日下給米賑濟三月二日上諭輔臣曰近日紹興飢民多有過臨安者深可憫蓋是保正副抄割漏落是致流移可令臨安府多方措置賑濟戶部應副糧斛其諸路州縣災傷去處宜申飭監司守臣依已降指揮貸給種糧度幾秋成可望四月六日上諭輔臣曰兩浙等處災傷去處可令

提舉常平官親詣所部借貸種糧務要實及飢貧民戶毋令州縣及當行人侵剋徒為具文九月十三日詔兩浙東路提舉當平泰昌時除直祕閣兩浙東路提舉刑獄公事以安撫司言紹興府明發州水旱災傷昌時悉力賑濟乞賜褒擢故有是詔二十四年五月十七日尚書省言衢州闕食人戶令本路常平官賑濟外竊慮未到之前人戶闕食有妨歸業詔令本州日下賑濟仍曉諭各令歸業六月一日上諭輔臣曰官司賑濟止及近郭游手之人其鄉村遠處宜令提舉官及州縣常平官躬親措置務使實惠及於貧下二十七年十月二十九日詔令西川制置司總領所并運路轉運常平司各具管下州縣有無旱傷聞奏如有實被旱傷去處仰支撥常平錢糧賑濟或支用不足即於存留舊宣撫司椿積錢米內量度取撥二十八年八月十六日上諭輔臣曰浙東西瀕江海去處田苗為水風所損平江府最甚紹興次之已將常平米賑濟尚慮貧弱下戶去秋成尚遠無錢可糴深軫懷卿等可令發義倉米賑濟宰臣沈該等奏曰在法災傷及七分以上合行賑濟當遵聖訓就委趙子滿都紮依此施行詔紹興平江府被風水損傷可令趙子滿都紮體訪委是災傷去處將第四等以下闕食人戶量行賑濟候晚禾成日住罷仍具逐處賑濟人戶

及支撥過米數中尚書省九月二十九日詔在法水旱撥放苗稅及七分
以上賑濟緣田土高下不等若通及七分方行賑濟竊慮飢荒人戶無以
自給可自今後災傷州縣檢放及五分處即令申常平司取撥義倉米量
行賑濟 二十九年二月二十五日詔令遼處守臣於見管常平義倉米
內取撥二分減市價二分賑糶內臨安府於行在撥積米內借撥四月二
十六日詔紹興府山陰縣檢放賑濟不均去處令浙東常平官再驗各放
實數申其第四等以下不曾經賑濟者令遵節次已降指揮賑濟施行聞
六月四日提舉兩浙路市舶曾情言去秋州縣有被水災傷去處細民艱
食多方賑濟及將常平米減價出糶飢民賴以全活而其間奉行不至者
其弊有三賑濟官司止恐者保公吏抄剽第四等以下逐家人口趁厝排
日支散公吏非賄賂不行或虛增人戶或鎮減實數致姦偽者得以冒請
既寒者不霑實惠其弊一也賑糶常平米斛比市價低小既糶者不分等
第不限口食則公吏倉斗家人等多立虛名盜糶遂使官儲易於匱乏其
弊二也賑濟戶口數多常平格管數少州縣若不預申常平司於旁近州
縣通融那撥米盡旋行申請則中間斷絕飢民反更失所其弊三也欲望
行下有司嚴立法禁力革其弊公吏抄剽不實與大州縣申請失時者並

實嚴科委提舉官往來部內賑濟去處體訪如有違戾按劾以聞衣之
三十一年正月二十六日詔令逐州府差官抄劄實貧之家於見椿管
常平錢米內依臨安府例賑濟分委有心力官依散務在實惠不得減克
仍具支過錢米數目以聞八月三日都省言淮西州軍先因欠債逃避出
沒之人理合賑濟令淮西提舉常平官日下於附近州軍取撥常平義食
米三千碩前去濠州賑濟仍令樊濤劉光時照會常切存恤毋致失所
三十二年二月三日詔兩淮歸業民戶難於食用令本路常平司賑濟如
關米於浙西江東常平米內各取撥一萬碩應副支散五月二十七日特
進觀文殿大學士判建康軍府事張浚言體訪得東北今歲米價踴貴欲
乞朝廷多撥米斛錢給赴淮南賑濟支用詔令浙西江東常平司各更於
近便州軍支撥常平米一萬碩

賑貸下

孝宗隆興元年二月十八日尚書戶部

員外郎奉使兩淮馮方言據高郵軍百姓狀自前年金賊犯順燒毀屋宇
農具稻斛無餘歸業之始無以耕種欲乞就附近支撥常平及義倉米委
本路提舉司令高郵軍措置借貸認催索赴此農時早得布種以寬秋
冬艱食之憂其餘兩淮州縣經賊馬侵犯去處亦令依此體例施行從之
三月二十九日詔曰霖雨為沴雖側身修行尚恐誠意未孚可令諸路監

司守令應遇災傷去處常切賑卹因窮糾察刑禁仍各條具聞奏六月十八日詔兩浙江東下田傷水衝損廬舍理宜寬卹令諸路常平司行下州縣將被水人戶疾速依條借貸以備布種將來見得損傷卽從時檢放其衝損廬舍之家多方存恤賑濟措置安泊無令失所七月十九日權知盱眙軍周淙言泗州盱眙軍去歲虜人驚移不魯耕種近淮北流移之民稍多未償頗長極邊之地販運不通已將本軍米斛比市價減半置場出糶每日糶及五十碩但去秋成稍遠而本軍米斛已盡乞支撥三千碩廣行賑濟從之九月二十四日詔紹興府飭民以義倉米依紹興十八年例賑濟之從知府事吳芾請也十月二十一日知紹興府吳芾言本府今年災傷異常豪右之家閉糶待價欲招誘出糶最多之人從本府保明申取朝廷詳酌推恩從之二十七日兵部尚書兼湖北荊西路制置使虞允文言京西一路今歲旱蝗乞下本路常平司候開春日將所管常平義倉米廣行賑濟從之二年三月十日詔徽州旱蝗為災可將常平義倉米出糶賑濟如本路州軍亦有似此去處依此施行二十七日德音高麗當客州應魯被焚劫逃避人戶仰守令多方招誘歸業內闕食不能自存之人依災傷法賑恤卽雖歸業而無力耕種者令提刑司以牛具種糧借貸之

七月二十四日臣察言建康鎮江平江府常秀等州今年秋淫雨不止大水為災目今米價見已翔踴乞命提舉司依條賑濟農民不可使至流移仍行下諸州勸諭居停米穀之家平價出糶從之八月二十三日詔臨安府米價增貴細民艱食令常平出米二萬碩賑糶從二十日詔訪聞淮東有被水去處人戶遷徙可令錢端禮於本路見管米斛內支撥一萬碩措置賑濟如不足於淮東總領所大軍米內取支九月四日知鎮江府方滋言丹徒丹陽金壇三縣今秋雨傷稼播已委官詣金壇縣取撥義倉米二千碩丹陽縣一千碩各依乞丐法賑濟尚慮管下少有客販米斛及乘時射利高擡價直民戶艱於收糶遂措置就委官於金壇縣添撥米一千二百碩丹陽縣添撥米八百碩丹徒縣撥米五百碩並各減價每升作二十五文著置場出糶每人日糶不得過二升竊慮豪右之家閉糶待價除已勸諭賑糶外乞依紹興九年七月二十九日指揮將出米米穀人依立定格目推賞仍乞立定有官人糶米比類速轉賞格行下其或他州之人有能賑販前來賑糶及得數目亦與一例保明推恩從之其後方滋又言今歲江東二浙皆是災傷去處獨湖南廣南江西稍熟相去既遠客販亦難勢當有以誘之欲乞朝廷多出文榜疾速行下湖廣諸路州軍告諭客

人如般販米斛至災傷州縣出糶仰具數目經所屬陳乞並依賞格即與
 推恩州縣出糶官米往往只在近郭勸諭民間出糶者亦多般入城市以
 至村落山谷之民無處告糶乞孰請土人及寄居之忠實可委者四散監
 糶庶被惠者廣州縣開糶朝廷舊有約束今聞州縣不務均濟往往濟人
 般販乞委監司嚴行覺察將開糶之官按劾施行從之 十九日詔令秋
 霖雨害稼細民艱食出內庫銀四十萬兩付戶部變轉收糶米斛賑濟二
 十一日中書門下省言今歲浙西江東州軍內有水傷去處損害禾稼竊
 慮民戶流移闕食乞下江西常平司於見管常平義倉米內取撥二十萬
 碩賑貸從之十一月十九日臣寮言淮南流移百姓見在江浙州軍無
 慮十數萬衆雖欲賑濟緣官司米斛有限近降指揮有田一萬畝出糶米
 三千碩其餘萬畝以下却有不曾經水災收蓄米斛之家糶價倍於常年
 今相度欲委運州見不曾經水災處占田一萬畝以下八千畝以上立定
 出糶米一千五百碩如此可以廣有出糶之數應按急闕支遣從之二十
 五日上封事者言虜騎犯邊兩淮之民皆過江南緣鎮江潮關不開老小
 舟船藏泊江岸者數千隻近日大雪皆有暴露絕食之患乞廣行賑濟
 詔專委浙西江東提舉照應見行條法通融取撥一路常平米斛躬親賑

濟 臣察又言近嘗具奏乞賑給兩淮流移之民伏蒙施行竊親近日有司措置於多田之家廣加和糴今諸處各有糴到米斛欲望於浙西江東西諸郡和糴到米內取撥二三十萬碩令逐路轉運司日下措置般運分往兩淮經殘破州縣鄉村委逐處守令通行賑濟招誘流民歸業其貧困之人不能自存者日計口數給糧詔依 十二月十三日詔兩浙路州軍內有災傷民戶闕食去處專委本州守倅以常平米措置減價賑糴 乾道元年正月十九日詔已降指揮逐路州軍災傷去處措置賑濟訪聞州縣止是抄割城內闕食之人其鄉村貧民多不霑惠令逐路轉運司行下逐州委官遍詣鄉村賑糴并勸糴民間米斛不得因而搔擾從中書門下請也二十一日詔紹興諸縣米價騰湧飢民闕食沿湖之民多有死損理宜賑恤可專委徐嘉喻樛多方措置賑糴務要實惠及民仍委提刑司體究逐縣死損過人數以聞從中書門下請也同日詔浙西州軍被水災去處已令賑濟訪聞湖州秀州流移之人甚眾竊慮州縣奉行不虔可令曾慥躬親前去多方措置賑濟無令失所將州縣官措置有方保明聞奏其死慢去處具名按劾從中書門下請也二月三日詔兩浙江東州軍緣去歲間有水傷去處致今春米價翔踴細民流移甚可矜恤仰守令多方措置

賑濟於本州應管錢米內取撥應副仍籍定數目隨管內寺觀大小均定
人數賑濟柴錢責付主首掌管支用務令實惠均及流民毋致殍餓如奉
行減裂仰提刑司按劾重寘典憲賑濟有方具名聞奏當經旌賞六日中
書門下省言兩浙東西路緣水災細民艱食累降指揮令諸州縣賑濟及
勸上戶糴米并造粥給食非不詳盡竊慮州縣奉行減裂未見實惠及民
詔浙西委吏部郎官魯訢浙東委司封郎官唐聞躬親詣諸路州縣檢
察如有違戾去處具當職官姓名申尚書省其措置有方亦仰保明聞奏
八日詔高郵軍壽春府流移之民令淮東總領所將太平州蕪湖縣起到
江西常平米內取撥一千碩應副高郵軍於滁州金人遺棄下米內取撥
二千碩應副壽春府賑濟從江淮都督軍馬楊存中之請故也九日詔臨
安府諸縣賑濟竊慮奉行不虔差監察御史程叔達日下躬親前去檢察
如有違戾去處具當職官姓名申尚書省其措置有方亦保明聞奏十一
日中書門下省言臨安府內外饑民頗多竊慮有賑濟未盡詔委姜誦韓
彥古同臨安府專一措置賑濟毋致失所仍約束所差官吏不得作弄減
裂三月十三日詔嚴衢婺處州荒歉發常平米以賑之從殿中侍御史章
服請也四月十三日尚書度支員外郎魯訢言今歲浙西災傷諸縣勸諭

大姓出米賑濟者即是給與賑糶者姑損其直賑貸者責認其償欲乞將
逐縣勸諭到賑濟米謂如三千碩者知縣與減一年磨勘計其多寡以為
之等差賑貸三百碩比賑濟一百碩州郡於諸縣數外自措置到賑濟賑
糶數及委令佐分鄉勸諭者守臣與令佐賞亦如之大小參減米數之半
以計其數詔令有司第賞格行下浙西提舉常平保奏施行五月二十四
日詔廣東提刑石敦義請也同日詔光州屢經兵火令淮西總領所撥會
子一萬貫江西轉運司支米五百碩賑濟之六月十八日知宣州王佐言
本州自五月七日至二十六日雨如傾注山發洪被水之人闕食者衆欲
將見管常平糶米錢八萬餘貫循環作本差官收糶米斛賑濟從之二
年二月三日兩浙路轉運判官姜訖言浙西州縣災傷民戶闕食乞下諭
州軍府官守臣疾速措置盡其闕食民戶量行賑濟勸諭田主豪右之家借
貸種糧詔令浙西提舉常平官相度措置九月七日詔浙東提舉常平宋
藻前去温州將常平義倉米賑濟被水闕食人戶如本州米不足通融取
撥權發遣温州劉孝題言本州八月十七日風潮傷害禾稼漂溺人命
所有義倉米五萬餘碩先蒙奉使司農少卿陳良弼監量在倉不得支借

若候申稟深恐後時遂急一面賑給外有不候指揮先次開發之罪乞施行得旨放罪十一日詔温州水災差度支郎中唐瑑同提舉常平米藻守臣劉孝題遍詣被水去處覈實賑濟三年八月二十五日詔諸路州縣約束人戶應今年生放借貸米穀只備本色交還取利不過五分不得作未錢算息以臣寮言臨安府諸縣及浙西州軍舊來冬春之間民戶闕食多詣富家借貸每借一斗限至秋成交還加數升或至一倍自近年歲歉艱食富有之家放米人立約每米一斗為錢五百細民但救目前不惜倍稱之息及至秋成一斗不過百二三十則率用米四斗方糴得錢五百以償去年斗米之債農民終歲動止望有秋舊通宿欠索者盈門豈不重困夫民之貧富有均要是交相養之道非貧民出力則無以致富室之饒非富民假貸則無以濟貧民之急豈可借貸米斛却要責令還錢故有是命十二月二十六日左朝散郎孫觀國言四川州郡亢旱內綿劍州尤甚乞遣金字牌行下制總諸司多方賑濟上曰此去麥熟尚遠想見飢民狼狽當依所奏四年四月十一日司農少卿唐瑑言福建江東路自今春米價稍高民間闕食郡縣雖已賑糴止是行之坊郭其鄉村遠地不能周通詔諸州提舉常平官疾速措置津發見椿米斛分委州縣清強官

廣行賑糶或勸諭積穀之家接續出糶不得因而抑勒搔擾諸路依此六
 月四日詔建寧府衢州處州建昌軍米價翔踴人民闕食並出常平米賑
 濟之二十六日詔襄陽府水旱民飢令本路寄搭大軍米內支降二萬碩
 賑濟之十二月二十六日雷州言八月一日海潮暴漲淹浸東南鄉民闕
 食者眾詔令禮部給降度牒十道付廣西提刑司變賣措置賑濟五年三
 月六日提舉江東常平公事翟紱言竊見饒州諸縣去年被水災傷合行
 賑糶乞將常平舊管米一千六百五十二碩九斗六升五合并收到乾道
 四年分義倉米五千二百一十五碩二斗九升五合委官賑糶外其池州
 建德縣與饒州接連飢荒尤甚更乞將常平米內支撥七百一十九碩六
 斗二升并拘到乾道四年義倉米內支撥二百二十二碩一斗七升將約
 度被水第四第五等以下大小人口量行賑濟從之九日知鎮江府陳
 天麟言本司昨奉指揮將歸正人顧政等二百一十八戶大小計一千一
 百一十口并續括責到高琮等五十一戶計二百三十六口許令於常平
 義倉米內取撥賑濟至乾道五年五月終合行住支竊慮狼狽失所兼本
 府又不住有一股歸正人楊貴等四十三戶陳乞賑濟欲將逐項歸正人
 更與展支一年庶幾小民始終多需恩惠從之四月十四日詔饒信州連

歲旱澇細民艱食可出常平義倉米以賑之同日權發遣江南路計度轉運副使趙升端等言臣等近恭奉御筆處分以饒信二郡嘗有水患令臣等協力應辦儲蓄賑濟臣等措置將信州合起赴建康府大軍米一萬五千碩截留橋管及將合起赴鎮江府米二萬碩內將一萬碩就便橋管將一萬碩往饒州準備支使今據饒州知州黃玠劄子稱雖蒙提刑司撥到義倉米六千八百餘碩不了一月賑糶之數乞備申朝廷於橋留米內支撥二萬碩添助賑糶臣等照得饒州合發上供米斛除橋留外尚有合起赴行在米一萬一千九百六十碩臣等除已一面逐急行下饒州於內先次取撥一萬碩量度市直減價賑糶外候信州起到米一萬碩却行拘收理充合起之數兼慮信州亦有似此闕食去處臣等已行下信州取撥米五千碩依此減價賑糶去訖所有饒州前後橋留米四萬碩欲乞早降指揮許再撥一萬碩更令接續賑糶從之五月十日提舉江南東路常平茶鹽公事程紱言臣近因巡歷到饒信州面諭逐州知通委請諸縣令佐勸諭上戶將積蓄米穀減價出糶接濟細民食用今饒州并諸縣申到依應勸諭得上戶願糶米穀共計一十九萬六千六百碩六斗五升并轉運司支撥到上供米一萬碩付饒州賑糶緣逐項米數委可接濟細民食用

所有臣先來奏乞更乞支米一萬碩欲乞往撥候所糶米穀盡絕如民間尚闕米穀即具奏乞支撥施行十月四日詔台州出常平義倉米賑濟被水之民六日權發遣兩浙路轉運副使劉敏士言溫台二州近因風水飄損屋宇禾稼雖將義倉米賑濟緣被水丁口至多竊慮來年秋成尚遠將何以繼臣今措置欲令各州勸募上戶官借其貲就浙西諸州豐熟去處販販米糧中價出糶至來年秋間却輸納錢本還官庶幾販販既多米稍停蓄其價自平今來溫州已募上戶借與錢本見行措置唯是台州財賦窘迫無以為計臣欲支錢五七萬貫給與台州令勸募上戶販販米斛以濟飢民詔令兩浙轉運司差撥人船於近便州軍戶部橋管米及常平義食米內取撥三萬碩前去台州委官於被水去處減價出糶其糶到錢令本司拘收撥還元取米去處十七日新權發遣福建路轉運副使趙彥端言竊見饒信之間地瀕湖連有水患欲望每歲於饒信兩川上供米內各截留數萬碩若次年不曾出糶或有出糶米盡之數即行起發却以當年新米代充稍做常平以新易陳之意詔今後每歲逐州各截留三萬碩準備出糶二十八日知楊州主管淮東安撫司公事莫濤言契勘本路楚州所貯軍沿淮鄉村間有旱傷訪問得鄉民漸致艱食楊州總領所撥積

米內見有一萬餘碩乞令楚州時昭軍般取前去賑糶所有價錢赴總領
所輸納却令徑自糶米依舊格積不唯接濟飢民又得以陳易新麥是兩
便從之十一月十五日詔今歲淮東州軍間有旱傷去處竊慮冬春之交
米價增長民間或致闕食可將淮東見管常平米三萬六千六百餘碩令
淮東常平司相度委官置場量行減價賑糶到價錢令項格管候將來
秋成日却行收糶補還十二月二十四日成都府潼川府夔州利州路安
撫制置使兼知成都軍府見公武言成都府自天聖間知府韓億於本府
南倉創永利教每歲出糶以六萬碩為準以拯貧民自二月一日糶賣至
八月終止又有拘收到戶絕官田廣惠官米歲給養病貧民崇寧五年準
詔旨成都糶賣貧民如有闕數許轉運司格錢對糶常平司應副仍不
得妨常平司支用大觀二年知府席旦奏請成都府每歲糶米六萬碩近
來轉運司以無米應副三分之一不足以賑惠貧民乞下四川每年如米
價稍貴委逐州長吏體量將義倉米依常平法減價出糶至宣和五年又
準詔旨成都府今後如遇米價騰貴依席旦已得指揮將義倉米減價出
糶收搭價錢歲終却行收糶自此之後間遇荒歉緣義倉所收數少賑惠
不足臣自到任後求節次措置糶置到米四萬二千九百六十餘碩通本

府遞年積到常平義倉米二萬九百八十餘碩差官抄劉府城內外貧民給牌厝置場減價糶賣以濟飢民本府雖有所收義倉米斛一年止有八千餘碩見根刷本府公使等庫並制置司激賞庫錢物三十餘萬貫差官往瀘叙嘉眉等川來時收糶米斛約可得六萬餘碩津運前來府倉別教收貯復韓億永利教所椿歲糶之數仍以廣惠倉為名每斗減價作三斗五十文專充賑糶不許他用拘收本錢循環添貼日後本府諸庫償運到錢物糶買以備永遠賑濟仰副朝廷勤恤民隱之德詔依其糶到錢日後專充賑糶本不得他用是公武令學士院降詔獎諭六年閏五月十一日詔浙西州軍大水令呂正己前去措置賑濟既而臣寮言已差呂正己措置浙西被水居民乞就委漕臣於本路取見州縣被水實數官為貸其種穀再種晚稻將來秋成絕長補短猶得中熟諸路如有似此去處亦乞依此施行從之六月十二日權江南東路轉運副使張松言宣國府建康府太平府廣德軍圩田均被淹沒委實災傷逐州差官賑濟被水人戶一依太平州例每月支散錢米所有第四等人戶依條不該賑濟乞將常平米減價出糶從之十八日提舉福建常平茶事鄭伯熊言福建路八州軍府縣自入夏以來闕少雨澤其上四州軍府雖時得甘雨猶未霑足

早禾多有傷損下四州軍亢旱尤甚晚種有不得入土者乞將所在米價依條支撥常平米斛賑濟從之八月二十四日詔淮南路轉運司於廬州格積米內取撥三千碩應副濠州賑糶九月十四日詔於建康府格管米內取撥一十萬碩限一月津發赴廬和州格管準備賑糶十月二十一日詔淮南總領所於揚州格管米內撥一萬碩應副楚州賑糶五千碩應副盱眙軍賑糶十二月二日詔江東轉運司將江西路合起赴建康府米三十萬碩內取撥十萬碩赴太平州五萬碩赴池州格管準備賑糶九日詔湖州將格積和糶米五萬碩賑糶水災之民同日詔淮東總領所於揚州見管米內取撥一萬碩分淮東州軍賑糶二十六日詔和州早澇禾麥損傷可借撥米一萬碩賑糶飢民 乾道七年正月八日詔兩浙路轉運判官胡望常同陝西路提舉常平司措置賑濟務施實惠十三日浙東轉運副使沈度言廣德軍災傷尤甚欲望支降米二萬碩水運至本軍委自守俾拘收賑糶詔令沈度取撥二萬碩措置津運赴廣德軍委本軍守俾賑糶二十二日利州觀察使知襄陽府韓彥直言去歲秋苗不登乞於本府寄橋大軍米內支降三萬碩賑濟從之二十九日詔浙西常平司於平江府常平義倉米內借支五萬碩應副湖州賑糶接濟飢民從知川向均之

請也二月六日詔招信縣荒歉已支米二千碩賑濟吏於揚州樁管米內
撥三千碩賑糶八日權知高郵軍劉孝言本軍高郵興化縣人戶旱澇又
有黑鼠傷稼乞於本軍大軍倉內取撥米一萬碩每斗作價錢一百五十
文省出糶遇豐熟日却從收糶從之同日廬州言本州旱傷據合肥等縣
人戶陳乞借貸及有歸正人乞賑濟近蒙支撥常平米五萬碩付廬州和
州準備賑糶於內已撥一萬碩賑糶與和州關食人戶今欲更支一萬碩
借貸與前項飢民及歸正人候將來成熟日撥還從之四月十五日光州
觀察使馬郵軍駐劄御前武鋒軍都統制兼知楚州陳敏言本州去年因
黑鼠傷稼兼秋間水旱農民飢饉蒙下通州撥米五千碩又下總領所支
米一萬碩以通州水路遙遠止就揚州般到米一萬碩賑糶本州戶口既
繁食用日廣賑糶官米今已不多欲望再撥米一萬付本州賑糶詔令本
路常平司將通州未撥米五千碩疾速科撥應副七月六日詔江西州軍
府有缺兩處合行措置收糶米斛準備賑糶可令黃茂良拘收單據已
刷到發運司奏計錢并江州有發運司貿易等官會子共奏二十萬貫於
江浙豐熟處收糶米斛一十萬碩均撥赴最不熟州軍樁管申三省樞
密院同日詔江西路今歲間有旱傷州縣責在守令究心賑恤可令本路

師臣將旱傷州縣守令精加審量如內有老謬不能完心職事之人先次選擇消強能吏前去對易措置賑濟存恤施行聞其已對易官職位姓名及見作如何賑恤事件聞奏八月一日詔湖南旱傷州縣亦合依此施行十三日詔昨發運司於潭衡全道邵州桂陽軍和羅木斛米曾支撥可令湖南轉運司將糴到米撥赴災傷州軍橋管賑濟賑糴八月一日詔江州今歲旱傷見今已有流民守臣坐視不據實申奏轉委漕臣一員日下起發前去江州同守臣將見管常平義倉米斛四萬四千餘碩措置賑糴如不足即仰收糴客米或高闕少仰於本州見橋管朝廷米內逐急借兌賑糴仍具已如何措置及賑糴過數目并委官起發月日以聞從中書門下請也同日詔饒州旱傷除已存留米一萬碩賑糴外可於本州米內更存二萬碩通三萬碩日下措置賑濟同日中書門下省言湖南江西間有旱傷州軍竊慮米價踴貴細民艱食富室上戶如有賑濟飢民之人許從州縣審究詣實保明申朝廷依今來立定格目給降付身補受名目無官人一千五百碩補進我校尉願補不理選限將仕郎者聽二千碩補進武校尉如係進士與免文解一次不係進士係到部與免短使一次四千碩補承信郎如係進士與補上州文學五十碩補承節郎如係進士補地功郎

大臣一千碩減二年磨勘如係選人宿一資二千碩減三年磨勘如係選人內資仍各與占射差遣一次三千碩轉一官如係選人內資仍各與占射差遣一次五千碩以上取旨優與推恩武臣一千碩減二年磨勘陞一年名次二千碩減三年磨勘占射差遣一次三千碩轉一官占射差遣一次五千碩以上取旨優與推恩其早陽州縣勸諭積粟之家出米賑濟係敦尚義風即與進納事體不同詔依其賑糴之家依此減半推賞如有不實官吏重作施行弄詔江南東路荆湖北路依此制八日兩浙路轉運判官胡堅常言昨蒙朝廷委以賑糴平江府常熟知縣趙善括勸誘上戶米數倍於諸邑崑山知縣聞人大雅委之吏輩寅緣為姦欲望朝廷將此二人量賜懲勸詔趙善括特降一官聞人大雅特降一官十六日權發遣隆興府龔茂良言以本路旱荒御膳進索而臣忝一路兵民之寄合賜罷斥詔龔茂良為一路帥臣當茲旱暵而乃引咎自歸欲求閑退非朕責任帥守之意也可剏與龔茂良宜講救荒之政散利薄征以至撲除盜賊勉修乃職安輯一路之民所請不允二十二日資政殿學士知建康府洪遵言饒州南康軍今歲旱災非常早種不入土晚禾枯槁兩郡飢民聚而為盜乞檢照江西湖南已行賑濟體例飭遵施行從之尋詔本路提舉常

平司更於附近州軍取撥常平義倉米五萬碩付饒州五萬碩付南康軍
應副賑糶二十五日權發隆興府饒州等處良言本路州軍被災輕重不等糶
州南安建昌早禾小損晚稻無傷次則吉撫袁州時有雨澤所損亦有分
數惟是隆興江筠州興國臨江軍荒早尤甚早禾皆死晚稻不啻栽柿自
來未嘗似此飢歉已分委官前去同守令講究利害相度欲將江浙糶到
米就近徑赴建康或鎮江總領支納却就截本處上供米賑濟理充所糶
之數大姓臣商勢必閉糶本府已立下價直每碩止一貫五百四十文足
比之市價折錢七百六十文足以一名若認糶二萬碩共折錢二萬五千
二百餘貫足若不優異推賞恐無人願就今進納迪功郎係八千貫文省
比之以二萬碩米中糶八官折院之數不啻過倍欲乞補充迪功郎有官
人許轉一官資及見係理選限將仕郎並許參部注受合入家便差遣從
之九月七日詔江南西路諸司申到江州旱傷最甚降已降指揮截截留
并分諸司科撥米外可令劉孝建日下躬親前去江州將本路常平米接
續賑糶十一日詔訪聞湖南今歲亢旱民頗流離令禮部給降度牒一百
道左藏南庫支降會子一十萬貫付湖南提舉胡仰之收糶米斛措置賑
糶二十二日敷文閣待制提舉江州太平興國宮張運言居閑躬耕饑寒

二千餘碩適逢今歲旱歉敢助賑濟詔令學士院降詔獎諭二十五日白
劄子江東西湖南州軍今歲旱傷欲乞依紹興九年指揮將本路檢放展
開之事則責之轉運司遇軍報開之處以省計通融應副難給借貸則責
之常平司覺察妄濫則責之提刑司體量措置則責之安撫司詔依仍令
逐司各務遵守三省歲終考察職事修廢以聞送敕令所立法本所詳看
災傷去處全在賑濟若不分隸責之帥臣監司竊慮奉行違戾諸司設有
違戾若不互相按舉亦無以覺察今參詳逐司互相按舉及將已行事件
中尚書省以憑考察仍立為三省通用及職制令從之是日宰執進呈
江東西湖南旱傷依紹興九年諸司分認賑恤事上曰它路或遇災歉並
當依此然轉運司止言檢放一事猶恐未盡它日賑濟之類必不肯任責
虞允文奏曰轉運司管一路財賦計之省計九州郡有餘不足通融相補
正其責也上曰然今降指揮止以檢放為文它日以此籍口逃責何所不
可允文奏曰乞立法遇諸郡有災傷處以省計通融應副上曰如此則盡
善矣故令立法十月七日詔江州旱傷即次已降指揮取撥本州常平
義倉米四萬四千餘碩及兌截上供米六千五百餘碩勸諭上戶認糶米
二萬八千六百餘碩截留贛州米一萬碩及支糶本錢四萬餘貫收糶米

斛并令漕臣取撥本路常平米一十萬碩吉筠等州見起建康米八萬餘碩未起朝廷播管米九萬七千餘碩及江州元管收糴米均撥付本州賑糴并立賞格勸諭上戶出米賑濟賑糴倚閣夏稅檢放秋苗地主佃戶資助賑給并將禁軍土軍弓手免起發存留防賊可令帥漕提舉官多出文榜候歲終比較殿最如官吏奉行減裂委御史臺覺察按劾以聞同日詔饒州旱傷已降指揮取撥本州常平義倉米八萬餘碩及於附近州縣常平義倉米內取撥五萬并截留本州見起播管上供米三萬碩及獻助米二千碩付本州勸諭諭上戶賑糴賑濟又倚閣夏稅檢放秋稅及地主佃戶資助賑給並將禁軍土軍弓手並免起發存留防賊可令江東帥漕提舉官多出文榜督責守令多方措置存恤歲終比較殿最如官吏奉行減裂委御史臺覺察彈劾以聞十日權發遣隆興府龔茂良言竊詳所立賞格除出米納官不請價錢即合推賞所有賑糴係減半推賞然不可一槩若依市價以收厚利商賈之流販賤賣貴較其碩數則盡合補授如此賞典及可濫及飢民不蒙其利在法官為立中價不得過有虧損今欲將賑糴之家並令官司差人監視給曆記糴過之數完實保明申朝廷依格補轉其客販米數或免便上供米前來中糴入官如願依立定價例賑糴推

賞之人並一體施行兼上戶若在豐熟處即合指闕食州縣接濟合陳本
處時價減三分之一官司給據照證載往災傷地分賑糴即行理賞從
之十二日知饒州王矩言昨蒙朝廷支撥本州椿管米三萬碩緣軍糧不
繼已允那支遣乞別借錢會糴米來歲稍裕却當拘納詔令左藏南下庫
支會子五萬貫餘依二十三日直祕閣權發遣徽州趙師夔言本州管下
旱傷有婺源縣遊汀來蘇兩鄉尤甚臣措置到錢一萬五千貫欲於本州
及諸縣常平義倉米內依立定價回糴米五千碩就便給散賑濟乞令提
舉官椿管上^件錢俟開春收糴補還元數從之十一月十二日知建康府
洪遵言太平州蕪湖知縣呂昭問以和糴米為名禁止米斛不得下河饒
州旱傷前來收糴米七百五十餘碩本縣抄劄不令交還詔呂昭問降一
官放罷十九日湖南轉運副使吳龜年司馬倬等言本路旱傷唯潭最甚
昨來黃鈞趙刺米四萬碩乞充賑糴使用詔糴到價錢循環作本收糴米
斛賑糴二十二日權發遣陰興府龔茂良言乞差新知興國軍右朝請郎
陳寅往來被旱州縣同共措置檢察乞量差兵級破本官驛券行移作本
司措置賑濟官從之八年二月八日權發遣陰興府龔茂良言去路去
歲荒旱異常如隆興府江筠州臨江興國軍五郡各係災傷及七八分以

上雖已依條將老幼疾病之人先行賑給緣人口數及百萬委是賑給不
 周乞將已得旨取撥到米一十萬碩并更勸諭上戶賑濟給散庶幾稍宣
 德意詔將續撥義米五萬碩令龔茂良充賑給使用餘常平米五萬碩
 依舊循環賑糶三月十五日敕文閣侍制知漳州陳涌作直徹閩荆湖
 南路計度轉運副使司馬倬言漳州安化縣上戶進武校尉龔德新平時
 兼并遂至巨富以進納補官比至旱傷闕食獨擁厚資略不牀認國家賑
 恤之意詔龔德新追進武校尉一官勒停送五百里外州軍編管四月一
 日權發遣隆興府龔茂良言本路旱荒細民艱食若不廣行賑給無由可
 救竊觀張翬昨緣獻米賑濟除閭閻又得添差本貫兵官富民欲甚欲乞
 明降指揮出米賑給者除依格補官外特與添差本路合入差遣一次仍
 依離軍人例減半支給蓋富民本非急祿止欲以此為榮夸其閭里眾
 所乞必翕然聽從速得米斛濟此目前非小補也從之十五日湖平常平
 司言鄂州有紹興十一年至建炎年間歸正人委是年深各已樂業今來
 却欲同三十一年以後歸正人請錢米深慮諸州災傷難以支給詔令紹
 興三十年終以前人免又自三十一年以後歸正人照應赦文賑濟八月
 七日詔四川自入夏以來陰雨過多松泆州縣多被其患如嘉眉邛蜀等

卷一百一十二

州最甚令四川宣撫司審實被水去處措置賑恤從知成都府張震請也
 八月權發遣隆興府龔茂良言本司去處上戶出米賑濟賑糴緣所立賞
 格比尋常繁費計之其直不啻過倍又有運載之費欲更加優異紹興
 三十二年閏二月十九日指揮進納迪功承信郎並理為官戶內迪功郎
 與免試先次注授差遣依奏蔭人例承信郎進武進義校尉並與免試弓
 馬及短使先次注授差遣今來勸諭賑濟告救元降指揮係敦尚義風即
 與進納不同見得事理尤重雖各係理選限及先與添差本路合入差遣
 緣許理官戶一節及將來到部免試先次注授依奏蔭人例等事未嘗立
 法吏戶部看詳欲將承信郎比附承節郎州文學比附迪功郎依條遇赦
 注授薄尉差遣餘並依紹興三十二年閏二月十九日已得指揮仍比擬
 獻納已降指揮理為官戶從之十一月六日詔道州營道縣主簿高太
 和羅到賑濟米四萬石與減二年磨勘從湖南提舉常平胡仰之請也
 年閏正月十七日詔雪寒細民艱食令臨安府將貧乏不能自存之家令
 左藏南庫支會子六千貫豐倉儲撥米三千碩付臨安府分委有心力官
 日下巡門俵散賑濟每名支錢二百文斗一斗務在實惠不得減剋
 下脫淳熙元年至嘉寧十年一差

孝宗淳熙元年詔兩浙州縣去歲旱傷處民戶生借錢
穀今來二麥將熟竊慮上戶乘時取索無以濟濟艱食
可候秋成日理還二年閏九月十四日詔湖南江西昨
緣茶寇蹂踐陣亡將佐官兵等遺骸令所在官司即為
埋瘞毋致暴露及被燒燬屋實之下戶孤老童幼寡婦

木有居止可令於諸寺院及係官屋宇安泊日計人口
給義倉米二升并遺棄小兒未有人識認日給錢米若
有親屬責歸存養毋令失所十七日詔淮南東路間有
旱傷處已降指揮委本路漕臣同提舉常平官取撥常
平義倉米措置賑糶及流移人戶依條賑給尚慮民戶
以州縣不即檢放應輸官物為疑致有賤賣牛桑業棄
小兒二十口以上官為支給犒賞如上戶士大夫家能
收養五十口具名以聞乞行旌賞州縣官措置支給錢
米收養百口至二百口者具名以聞至是段子應格
故有是命七年十月四日詔兩浙江東西淮西湖北路
今歲旱傷州縣令逐路帥曹臣行下所部州縣將人戶

見欠官債並與倚閣候豐熟日逐旋送納九日詔舒蘄黃和州無為軍各將第四第五等旱傷民戶見欠淳熙四年至六年終時零稅賦并七年未納時零夏稅並權倚閣十一月四日詔紹興府將上虞餘姚二縣第四第五以下人戶見欠淳熙七年官物權與倚閣候來年豐熟帶納八年四月十一日詔軍民多有疾疫令醫官局差醫官巡門診視用藥給散殿前司十二人馬軍司二人步軍司七人臨安府內外諸廂界二十人各日支食錢所有藥餌令戶部行下利劑局應副仍各置歷抄轉醫過人數日具以聞十八日詔臨安府於府城四門外相視隙地作大塚各一所每處委僧十人童行三十人

九年六月十一日
條移此

凡遺棄骸骨不問新舊並行收拾叢葬棺檢之具併僧
行食錢令本府量行支給仍出榜禁戢今後如有發去
舊塚之人依掘塚法科罪以是歲多疾疫已降指揮廣
主利於得錢往往發舊改新是致
骸骨遺棄不復收瘞故有是命九年四月浙東紹興
府等處民多疾疫兩浙漕臣吳琚亦乞依此施行從之
五月十六日詔近者久雨恐為低田有傷貧民無力再
種可令浙東西兩路提舉常平官同諸州守臣疾速措置
於常平錢內取撥借第四第五等以下人戶收買稻種
令接續布種毋致失所六月二十日詔嚴州将被水
漂壞屋宇第四等以下戶夏稅並與倚閣其身丁錢絹
更與蠲免十二月四日詔江浙兩淮旱傷州縣將第四

九年六月十八日條移前
六月二十日上

第五等戶今年以前應殘欠苗稅丁錢並特住催及官私債負理還其流移人戶拖欠官物並與除豁不得令保正長代納如願歸業即量支錢米津遣與免將來夏料催科九年六月十八日詔近聞民間貧乏其死亡人口無力津送大人每名支五貫小兒支三貫令臨安府於上供錢內支撥五千貫分委官屬收掌給散十二月十二日新知婺州錢佃言臣前知隆興府於城外置養濟院一所收養貧病無依之人先是漕臣芮輝以俸錢千緡合藥以濟病者趙汝愚以俸錢千四百緡買田以給病者食臣又並以千緡增置長定一莊仍創造屋一區差人看守輪遣墾工診視日給口食藥餌委官提督

首尾九年如得就緒恐後來官吏或不究心便致廢壞
乞詔本路漕臣常切提督所有錢物不許移用從之十
一年正月二十八日詔江東提舉司行下建康府太平
州寧國府池州饒州廣德軍南康軍建昌縣各多支常
平錢米將被水人戶優加存恤務要實惠及民毋致失
所仍照應已降指揮勸諭人戶用心補種被水去處田
畝六月十一日詔漕西江東路州軍被水去處令兩路
提舉司多方勸諭有田之家將本戶佃客優加借貸候
秋成歸還若致欠負官為理索或其家無力并有田闕
少穀種並許於常平錢內支借以助補種毋令荒閑田
畝八月十六日詔處州龍泉縣被水之家令漕東提舉

司同守臣各多支常平錢米優加存恤九月四日利州
路提刑兼提舉勾躍言本路金洋西和州亢旱乞給降
度牒三百道付臣措置於豐熟去處稱時收糶或降付
總領所用對支逐州橋積斗斛以備賑濟從之十一日
福建提舉司言汀州寧化縣允賊姜大老嘯聚已行收
捕竊慮賊發地分被劫之家流移失所不能自存已行
下常平義倉取撥米斛借貸安集流亡無致失所詔福
建提舉司同逐州軍守臣更切優加存恤十九日臣僚
言乞令戶部行下諸路安撫轉運提舉三司嚴督所部
州縣日下審究有水旱處隨輕重速行賑濟契勘見在
之米有何指準如何賑糶仍會計官米可糶之外勸諭

人戶廣行散糶立為中價使不踴貴從之十一月十八日鎮江府言管下金壇縣今歲五月連遭大雨五鄉二十四都被水滄浸致傷禾稻乞下本府於有管淳熙八年賑濟糶不盡及糶還米內取撥應副賑給詔令浙西提舉司詳所申事理於近便州府見在常平義倉米內通融斟量應副十四年正月二十七日詔軍民多有疾病之人可令和劑局取撥合用湯藥分下三衙并臨安府各就本處醫人巡門俵散二月八日浙西提舉羅點言本路州縣疫氣大作居民轉染多是全家病患臣遂就局修製湯劑給散選官監督各州縣巡門置厯抄劄病患人數逐一醫治日具痊可人數供申本司其間

病患闕食之家亦已措置粥食接濟乞下諸州軍嚴切
醫救毋為文具從之六月二十二日臣僚言臨安府寶
蓮山居民遺火延燒屋宇及毀拆間架無慮五七百家
其家多是浮食細民頓喪生理狼狽失所况當盛暑老
幼暴露卒未着業委實可憫乞令臨安府抄劄燒燬人
戶姓名計其口累實數優支錢米賑濟多方存恤從之
七月十四日兩浙西路提舉羅點言竊見本路州縣闕
少雨澤其間旱傷分數隨處不同內臨安府鹽官縣秀
州海鹽縣被旱最重民間目下便已乏絕漸有流移所
有兩縣人戶合納夏稅和買役錢及以前年分積欠官
物乞自第三等以下且令住催候將來豐熟日送納詔

五年七月五日
僚移前七
年十月四日上

令多出文牒曉諭仍仰轉運司委官取見兩縣第三等
以下住催數目申尚書省十一月二十三日知建康府
趙善俊言昨蒙恩差知鄂州未到任間於淳熙十二年
十月初十日夜居民遺火延燒萬家焚溺者千餘人兼
程疾馳交割職事居民暴露將有轉壑之憂就州治監
視賑濟過米一萬一千七百餘石乞賜蠲放詔自來年
為始分作兩年撥還五年七月五日詔知鄂州沈樞等
將被水軍民優加賑恤毋致失所以樞等言五月以來
及軍寨被浸近光宗紹熙元年六月十五日詔諸路監
三千家故也司帥守應自今以後凡有水旱去處並合盡實以聞苟
有不實或隱而不上皆以違制論或有臣僚言州縣之問

往司不以水旱為諱故縣不以實報州州不以實報諸司
使國家救荒之政不得二年十一月二十七日南郊赦
崇慶府潼川府果州利州綿州合州金州龍州漢州大
安軍石泉軍懷安軍及潼川府射洪縣崇慶府晉原縣
新津縣魚關興州長舉縣置口倉汀州寧化縣各有被
水去處及徽州金州各經遺火已降指揮存恤外尚慮
民戶流徙未能復業或有貧乏不能自存之人仰監司
照應指揮務行寬恤毋致違戾三年二月八日淮南運
判趙師霁言本路州軍去歲闕少雨澤多有旱傷去處
雖將田段檢放又遭霜損據人戶陳乞倚閣課子今乞
每戶十石以上聽從州縣施行外餘以三等石數為率

五石倚閣三分之一二石以上倚閣一半二石以下盡
行倚閣從之四年六月一日詔江淞兩淮荆湖等路安
撫轉運提舉司將被水去處須管同守臣多方措置賑
恤毋令失所如將來人戶或有流移定將當職官吏重
行責罰不得視為文具既而江西提舉司以隆興府請
加賑恤令本司更切優恤九月二十九日詔江陵府於椿管
陳次米內支撥四萬石準備賑糶水傷民戶從守臣王
蘭請也十月十一日詔逐路提舉躬親前去被水旱州
縣驗實內第四第五等戶災傷委及八分以上今年合
納官物并以前欠特與權行住催如今年官物有已納
在官即理為來年合納之數仍多出文牒曉諭州縣不

得別作名色催理如違許人戶越訴

以都省言制東江東淮西路諸縣多

有水旱

十二月三日詔徽州將休寧縣被火之家更切

優與存恤毋致失所從本州言休寧縣居民遺火故也

五年六月五日詔江東提舉司將池州石埭縣被水之

家更優加賑恤毋令失所

以本司言也

紹熙五年七月七日

登極赦文應諸路州縣緣水旱承將指揮借撥過椿管

米斛充支遣及賑糶等可將未還數特與除破如有見

管糶到價錢即具數申尚書省八月二十三日詔令鎮

江府於見椿管米內取撥陳次米二萬石禮部給降度

牒五十道付常州措置出賣每道價錢八百貫文賣到

價錢專充賑糶仍具糶到數目及糶過米數申尚書省

以湘西提舉及常
州守臣告旱故也

同日詔令淮東轉運司就本路有緣

管米去處共借撥米

一十萬石斟量所部州軍早傷輕

重分撥應副糴支用

以楚州守臣熊飛言
本州亢旱從其請也

同日權知和

州程九萬言本州夏季以來久愆雨澤旱勢已成又有

蝗蝻生發救荒之政所當講求除已取撥應管官錢於

得熟州軍還急收糴米斛準備糴濟緣淮邊被旱勢須

糴之江南而江南非銅錢會子不行使乞從朝廷借撥

會子五萬貫或以祠部準計越此秋成差人徑往江西

收糴庶得自冬徂春可以接濟賑難詔令和州就椿管

米內借撥二萬石以備早傷之用餘依九月十四日明

堂赦文兩淞江淮等州縣間有水旱災傷去處已降指

揮存恤外尚慮民戶流徙未能復業或有貧乏不能自存之人仰監司照應累降指揮更切體訪優加存恤毋致違戾相後郊祀明堂又故文在法病人無總麻以上

親同居者廂者報所屬官為醫治訪聞店舍寺觀避免

看視更不聞官徃徃趕逐出外及不令安泊風雨暴露

因而致斃可令州縣多方措置存恤依條醫治仍出榜

鄉村曉諭自後郊祀明堂十一月一日中書門下省言已

降指揮客販米斛前來兩湖路荒歉去處出糶經過稅

場依條免納力勝錢仍不得巧作名色妄有邀阻詔逐

州委官專一覺察如有違戾去處即將當職官吏劾換

以聞客人附帶物貨許所經過場務量與優潤從逐處

則例以十分為率與減饒二分日下通放即不得虛喝
稅數其招誘到客船仰所委官出給行程文憑一道批
寫所載米斛若干舟船幾隻客人稍工鄉貫姓名指定
前往出糶州軍經過場務照驗放行仍批寫到發日時
至住糶處繳納如奉行減裂許客人越訴仍仰所委官
多出文榜曉諭江陵府復州委袁樞鄂州一帶委陳漢陽
永衡部一第季何異南康軍饒州信州一帶委李信甫
黃州委張同之池州太平州委唐卿建康府委趙師
黃鎮江府委吳璣常州臨江軍隆興府委趙華江州興國
委黃蒲吉顧表筠州臨江軍隆興府委趙華江州興國
軍委張柳廣東委張奎黃擒寧宗慶元元年正月十九
委唐體仁廣東委張奎黃擒寧宗慶元元年正月十九
日詔兩浙雨淮江東路提舉司行下所部荒歉去處逐
州逐縣各選委清彊官一員遇有遺棄小兒支給常平

錢米措置存養內有未能食者雇人乳哺其乳母每月
量給錢米養贍如願許收養為子者並許為親子條法
施行務要實惠毋致滅裂如有違戾仰監司覺察按劾
以聞二十六日詔內藏庫支錢一萬貫豐儲倉更支米
三千石付臨安守臣徐誼措置給養貧病之民務要實
惠均濟既而權工部侍郎兼知臨安府徐誼措置將上
地里遠近計程優給人逐一封臂括責姓名類其鄉貫隨
差人伴送津發各歸本貫州縣仍逐名印給鄉下糧食
照證牒與本貫賑濟存養庶得歸就鄉井漸復元業
再與父子再相聚同活不致星散流移失所詔候到
本貫州縣今日下支給二月五日詔令學士院降詔戒
飭諸道監司守令應水旱去處多方賑恤務在實惠及
民毋得徒事虛文庸副軫念元元之意朕將考其殿最

以示勸懲三月十三日御筆訪聞民間病疫大作令內

藏庫日下支撥錢二萬貫付臨安府多差官於城內外

詢問疾病之家貧不能自給者量口數多寡支散醫藥

錢死而不能葬者給與棺歛務要實惠及民毋得徒為

文具五月七日宰執進呈知臨安府錢租中乞續降余

即就內帑等奏欲更與萬緡不知當於何處支降上曰無

已真孟子所謂以不忍人之心行不忍人之政治天下

可運於六月七日權兩浙運副沈誥言竊見兩浙州縣

亦多饑疫自近及遠德意不可不均一浙西如湖秀常

潤浙東如慶元紹興自今疾疫頗盛其他州縣亦多有

之窮下之民率無粥藥生以待斃乞從朝廷給降度牒

五百道下本司或提舉司變轉隨州縣饑疫輕重撥下

遂州委官分任其事畢考驗區磨以全活人數多寡
旌別聞奏優與推賞一州縣合選委明脉醫官各分坊
巷鄉保醫治其合用藥材於所委官從實支給仍日支
食錢五百文其有全家疾患無人煎煮者選募僧行管
幹每日亦支食錢三百文並各置厯抄記全活人數事
畢保明旌賞州縣濟糶行且結局其不育蠶種麥者仍
舊艱食老弱孤獨殘患流離道路皆當矜恤亡許令州
縣別委官踏逐空閑屋宇寺院收養其間遺棄小兒募
人養之官為記號月一呈驗以給其費今來米價已高
若罷賑糶竊慮翔踴惟是在市之米輻湊庶幾其直日
平探聞商販之家多有積米藏寄雄坊質當庫戶猶欲

待價欲乞指揮盡令出糶如有藏匿許人陳首詔令禮部給降度牒五十道付洗洗自行措置斟量支散餘依之六年十一月二十四日右司郎中李寅仲言恭惟國朝漏澤園之制恩及枯槁前古未有竊見諸州縣寺院多有攢殯歷年滋多或家貧子孫無力收葬或遠宦因循不舉僧徒玩視公肆徵求馴致暴露枯骨無歸深可憫恤欲每歲委自逐路提舉司近冬檢舉行下諸州縣委官躬親抄劄如年深無主家貧無力者官為擇地置義塚以葬之其有子孫不願入義塚者責以近限收葬庶幾枯槁不致暴露失所歲一舉行無為文具無令騷擾庶幾仰稱聖朝澤及漏泉之意從之嘉泰元年三月

戊寅臨安大火四日 減四月辛巳詔有司賑恤被災
居民死者給錢瘞之壬午下詔自責詔樞密院覈禁衛
班直及諸軍營柵焚燬之數癸未避正殿減膳甲申命
臨安府察姦民縱火者治以軍法內降錢十六萬緡米
六萬五千餘石賑被災死亡之家七月二十一日臨安
府言本府昨因被火見在寺觀廟宇安泊大小人口委
官抄劄到共一千三百二十一家計五千三百四十五
口大人四千七十七口小兒一千二百六十八口詔大
大人每人更支錢五百米五升小兒支錢二百米二升
半錢令封樁庫以會子米令豐儲倉於慶元年米內取
撥逐處各依具到人數紐支仍仰臨安府目下請跋委

官審實給散不許減尅作弊其實支散過數司中尚書
省十月三日臣僚言今所在州縣間遇歉歲至八月則
收狀至九月則檢放至十月則抄劄又有檢放未實而
再覆實檢放者亦有抄劄未實而再覆實抄劄者往往
多至十一月而後定然後官司行救荒之政下勸分之
令雖至十二月民猶有未得食者夫早禾收以六月中
末收以七月晚禾收以八月禾稼不登民即艱食若至
十二月有未得食則斯民之饑四閱月蓋民一日不食
則饑饉則病病則死豈能延四閱月之命乎乞下臣此
章如有災傷州縣委本路常平使者先次措置合用米
斛日下多置場分先於普羅拘錢入官以備收糶一面

分頭多委檢放抄劄官限十月內須管一切了畢不得
遷延及不得漏濫務要全活民命免致流殍從之同日
詔令常州將用不盡常平米八萬一百六十餘石更於
本路提舉司見橋米內撥一萬九千八百餘石湊作一
十萬石內五萬石充賑糶五萬石充賑濟仍令封橋庫
支降會子八萬七千五百餘貫并本州見橋管錢一萬
二千四百餘貫共作一十萬貫接續收糶米斛出糶其
糶其糶到價錢即更循環作本糶糶仍先具賑糶米價
申尚書省

以守臣李珣言本州存錢今歲又復
告早乞措置收糶備蓄故有足命

十二月

十八日詔令淮南路轉運司就富安倉撥管米內取撥
七萬石將二萬石撥付楚州府貽軍賑濟五萬石應副

通泰楚州高郵盱眙軍賑糴以淮東提舉高子溶言遂
州旱歉故也三年五月十六日臣僚言臣聞仁宗皇帝
天聖皇祐中屢頒醫方遐荒僻遠之邦徃徃風土不善
民多疾癘市藥無所請醫無人橫罹夭折甚可憫也宜
命太醫局選民間所常用及已試有效簡要可行之方
集為一部頒之諸路監司監司行之州縣州縣又撮其
要者大書揭示於聚落要閭去處諸州撥常平錢收市
藥物合成圓散賤價出賣以濟民略收利息以供官吏
之費使本錢不耗為循環之用從之十一月十一日南
郊赦文二廣州縣小官冒瘴而死者家屬扶護旅視不
能歸鄉實可矜憫除廣東已於廣州置接濟庫極積錢

未遇有事故官員家屬赴經畧司投狀除結倉券外更
支給路費以濟其歸及於城北踏逐空地撥充義塚起
造祭亭願將旅襯就地內最葬者給也支給糜費錢及
造屋充接濟院有事故流落家屬欲就給屋每日支給
飯米養贍以示寬恤昨來廣西經畧司申已於靜江府
新創廣惠院以給士夫家屬流落者可令諸監司常切
恪意奉行如有在官田畝之類措置撥入所有家屬願
出廣者仍令逐州津遣其仕宦家屬因而流落不能出
廣甚至子弟為奴僕妻女為娼婢深可憐憫自今赦到
日許經所在州軍自陳日下釋放仍令本州津遣自後郊祀
明堂款開禧三年八月一日湖北提刑李真言被命易

便湖右自建康溯流西上竊見所至濱江多被水患淹
浸民居幾及屋危詢之故老皆謂向所未有陂湖之田
無復可望老弱流徙生理蕩然殊可憐憫緣前此所歷
皆係江淮一帶州郡所管及至武昌縣交割以來經行
鄂州漢陽兩郡之境漲潦瀌瀌浸為害尤甚雖鄂州南市
關關之地積水亦深數尺民戶失業未免痛嗟除已一
面備牒管下被水州軍委自守貳從實抄劄措置賑濟
外近據鄂州申到在州被水已近五十五百餘戶漢陽
在城被水亦三百八十七戶城市如此鄉村可知其他
州縣尚未見申到竊自惟念備數察州豈容生視但本
司素來貧匱別無錢物可以指準支撥欲乞朝廷惠矜

遠方小民偶罹天菑不可不速行拯救即為敷奏特依
制路已行體例重賜支降度牒付本司發下濱江並湖
諸處酌度災傷分數等第責付各郡守臣變賣和糴米
斛多方賑濟于以仰稱聖朝仁民恤遠之意詔令禮部
給降空名度牒一百道付湖北憲漕司每道價錢八百
貫從便出賣撥付被水州軍專充措置賑濟嘉定元年
七月八日臣僚言乞明詔兩淮守令開具戶口之存亡
復業之多寡以行賑恤之實惠仍令監司每歲攷察流
民歸業之數以為守令殿最申嚴州縣分瘞之令再立
僧道酬賞之格如紹興辛巳壬午之間許僧道童行出
土力收瘞數及二百則以度牒一道酬之今若加增前

數量給度牒庶死亡者不致暴露於原野流移者不至轉徙於溝壑從之二年三月二十九日御筆訪聞都城疾疫流行細民死者日衆朕甚憫焉官司抄劄診候慮多文具雖已委官措置可更選差一二員相與協濟臨安府委通判稽考醫藥所有藥材疾速科撥見錢付鋪戶收買毋令減尅其有病死無力殯瘞於內藏庫撥錢一十萬貫別差官抄劄畀以棺襯諸路州縣或有疾疫去處令監司守令叶心賑救務在實惠及民副朕惻怛之意四月二日都省言臨安府化人場間有建置年歲深遠去處往往拘於禁地多被拆去貧乏喪葬之家無力扛擡遠涉重費委有未便詔令臨安府開具申尚書

省地一而臨安府奏言化人場間有迤九宮壇黑神壇禁
以機建置即與年歲深遠去內金輪不梵天兩院方自嘉泰
存化人場餘一舊外其已拆一十六處除金輪梵天寺不
得化人外餘一條預前三日告示主首僧知委不得焚
行事太常寺則一條預前三日告示主首僧知委不得焚
重如違六月十七日左司諫劉榘言竊見朝廷屢行下
兩淮被兵州郡及松江流民所聚去處募人埋瘞遺骸
以度牒酬之州縣官吏所當恪意奉行仰副陛下掩骼
之仁訪聞州郡官吏不切究心勸誘尚有收拾埋瘞未
盡者其已殯者元不堅密隨復暴露乞劄下江淮州郡
各選官勸諭瘞埋及數則給以度牒其所委亦許州郡
保明具申與量減磨勘庶幾官吏僧行樂於向前幽壤
沉魂蒙被實德從之三年四月十一日詔令封橋庫友

降官會二千貫文付臨安府充支給乞丐煖堂賃錢使
用十二日中書門下省言臨安府城內外細民因病或
致闕食實為可憫理宜給濟詔令豐儲倉取撥米三千
石付臨安府給散病民仰守臣措置選差通練誠實官
屬分明支借毋容吏姦以虧實惠仍開具支散過實數
申尚書省十四日中書門下省言臨安府城內外近有
病死之人無力殯瘞理宜賑恤詔令封樞庫支降官會
三萬貫付臨安府專充支給細民病死棺襯委守臣措
置選差通練誠實官屬分明給散毋容吏姦以虧實惠
仍開具支散過實數申尚書省十九日詔浙東提舉司
將婺州永康縣不二寺沒官田屋盡行撥付安養院

嘉靖五年十一月二十日南郊赦文冊江田土昨降指

揮委官覈實其山鄉邊溪亦有被水衝決堆住砂磧未

堪耕作田畝訪聞州縣依舊催理稅賦委是無所從出

可令逐路轉運司疾速選委清彊官覈實如見得不堪

耕作分明即與照數先次倚閣次第結罪保明申尚書

省當與除豁如有將來可以興復去處仰照應見行條

法指揮施行自後部祀明十二月二日詔令安邊所將

劉友真所亡周筠沒官地盡行撥賜充義阡使用免納

價錢仍令封樁庫支撥二千貫貼充義阡支遣以住持

劉友真請買周筠沒官地故有是命六年七月十九日臣僚言近據紹興

府申稱諸暨縣六月十五日風雷驟雨是夜同山鄉洪

水泛漲湍下居民屋宇等次日溪內救得人戶壽澄一名據稱其家老幼百口登樓避水繼即推沒未知存亡本縣續又據陶宋天稠金興長泰北開元花山安俗花亭長浦超越諸山鄉人戶陳訴不一本府雖已遵從省劉指揮催促賑恤擬節次申到共支錢六百千米五百石又支錢一百貫文於楓橋鎮打撈屍首埋瘞候到日別支散細數供申竊恐鄉分闊遠屋宇漂流人戶墊溺者不一其惠未能周徧誠可憐念乞更賜行下提舉司照本縣抄劄被水之戶斟酌輕重次第賑恤仍行下轉運司差官覈實被水鄉分將今年夏稅秋苗特與蠲放其田地有打成溪港或沙石淤塞不堪開修者保明

具申將合納苗稅特與蠲闕施行從之二十三日臣僚
言比者盛夏之月霖潦為災毀壞室廬漂田訟淦民命
如嚴之淳安紹興之諸暨被禍尤甚其次則臨安之錢
塘於潛湖之安吉皆未免有墊溺之患乞下兩浙路監
司守臣選差清彊官同邑宰親詣水傷鄉分從實根括
有無被水分數多方賑恤或蠲租賦其有蒙蔽不以實
聞者重寘典憲從之八年四月十二日詔令封樁庫日
下支撥會子一千五百貫付殿前司六百貫付步軍司
仰各司取見的實孤幼病患人數斟酌照等例給散一
次仰各司具已給散過人錢數目申樞密院以時雨未
也所請七月十六日江西安撫司言照得南安縣上保石

溪六團人戶陳廷琳等被賊殘害殺人放火虜掠家財
牛畜其被殺者屍骸甚多至今尚在郊野無人殯埋所
存者逃居隣保未得回歸田畝十有八九荒廢委是被
害至重去處申乞敷奏朝省將南安縣上保石溪六團
人戶陳琳等今年全年夏稅秋苗特與蠲放詔令江西
安撫司將南安縣上保石溪六團人戶陳廷琳等嘉定
八年全年夏稅秋苗並特與全行蠲放仍開具蠲放過
錢米數目申尚書省并仰本司將在野遺骸日下差官
措置掩藏毋致暴露仍行下江西轉運提刑提舉司照
會先送安撫司遵依省劄支撥錢米前去賑濟以泝流
從贛州差人於贛州先撥合取運司總所錢米內對兌都
運奉旨特與銷豁保有益是命十八日詔令江淮制置司

疾速契勘江東早傷州郡及浙西提舉契勘浙西早傷
州郡江西提舉照江州興國軍係早傷去處各從今來
臣僚申請事理疾速覈實將所部州縣第五等人戶夏
稅錢絹分明指定合催納及合蠲放各若干數目除程
限十日申尚書省其第五等人戶如有已納錢絹在官
仍仰各司就先次約束州縣分明收附不得輒行欺隱
別聽朝廷指揮以臣僚言今歲旱勢極廣災傷深浸郡
縣不同如蘇湖江陰稍得耕種與災
甚饒信可望成熟江州興國軍間有蝗蝻除分數故有是
公正精明有志為民之士覈實催放蠲除分數故有是
命九月十一日臣僚言臣來自吳門沿路見日來所差
檢踏災傷官與抄劄賑恤之官不能遍走阡陌就近城
寺院呼集保甲取索文狀令人粉壁書衙以為躬親下

鄉巡行檢責抄劄了當其間號為詳熟者亦不過畫圖
本具名姓注排行寫小名以為帳狀縣申之州州申之
監司監司申之朝廷遞相傳寫坐待結局今幸憑由未
曾給與米斛未曾俵散尚可拯救所謂拯救之方全在
俵散憑由官吏若將憑由仍前付與元所差官必至窮
困下戶漏落者多溫飽之家冒請者衆乞嚴行劄下監
司郡守選清彊官躬親下鄉審實如見得有合預賑糶
不應濫請賑濟憑由之人即行改給與窮乏下戶仍別
請一項空頭由子隨行準備添給乞令監司郡守候至
結局將給散憑由官攷覈真濫特與奏聞從之九年六
月二十六日殿中侍御史兼侍講黃序言通日雨澤兼

旬京城閭巷至有累日突不黔者或饑餓所迫死於非命近甸之地間有被水去處屋舍頽圯未能支持田畝湮沒車馬無及早秧既或損爛又須旋種晚禾若此之類民生甚艱乞行下兩浙諸司委清彊官體訪應近日被水去處優加撫恤凡屋宇湮沒者給以常平錢米田畝早秧損壞去處今年夏稅和買量與寬限從之九月四日臣僚言迺者夏潦暴作溪漲橫流坍沒畝壠漂壞室廬旋倪墊溺禾稼傷敗家產蕩析十室而九臣得之聽聞如臨安之餘杭諸邑紹興之諸暨蕭山嚴之桐廬淳安衢之西安龍游婺之金華蘭溪信之玉山永豐饒之德興鄱陽處之縉雲台之黃岩被害尤慘乞行下諸

路監司速委官檢視分數着實以聞將被水最甚郡邑
從條蠲除租稅不許縱吏誅求遷延歲月從之三十日
臣僚言今夏一旱江淞皆然淞東數郡多是山田非水
鄉富饒之比今歲頗覺艱食比台之黃岩婺之東陽二
邑糶集作過率是取糧於富室彊刈人田禾賑糶若多
米自不貴民饑得食誰復為盜乞行下淞西諸郡撤去
目前下江之禁毋至遏糶兩淞漕臣照比日申省之狀
更行勸諭使人樂於轉輸不獨可以救饑抑可以弭盜
從之十一年六月二十一日兩淞轉運司言本司據武
康安吉縣申被洪水泛漲衝損鄉村橋道漂蕩人口及
官廨民居農具什物等事即分委縣官親往鄉都括責

被水之家所失人口一面關支常平錢米分付諸廳委
各就鄉村量其存沒多寡支與養生送死及有全家被
水淹死之人漂流溪河之間或堆閣沙灘之上本縣亦
同縣官將錢雇人打撈收拾埋殯及差簿尉分頭前去
逐一抄具被水之家外所有鄉村被水衝壞田桑候各
官申到見數別具申聞詔令湖州將被水之家更切多
方措置賑恤務要實惠及民毋致失所具已賑恤過人
數申尚書省十三年十二月七日詔令封樁庫支撥會
子二萬八千一百一十六貫仍令提領豐儲倉所取撥
米三千四百三十九石八斗並付臨安府照應供到數
目逐一等第給散被火全燒全拆并半燒半拆及踐踏

人戶仰本府日下差人請領選差清彊官巡門俵散不

得縱容吏卒等人稍有減尅騷擾候友散了畢申尚書

省先是本府州橋四條巷居民遺漏詔令臨安府日下

委官吏於城內外被火處沿門逐一抄剔除名大場南

至州橋一帶及部亭驛一帶拆毀之民屋姓各大小口

數令項供申外所有城內朱上故有是命十四年明堂

赦文新黃州并管下縣鎮有曾經兵火驚擾去處致使

人戶逃徙無家可歸理宜矜恤令淮西制置司行下州

縣遇有歸業無屋存泊之人即聽從便踏逐係官屋宇

及寺觀安泊毋致失所仍多出文勝曉諭十五年七月

十一日臣僚言今歲自春入夏時雨優渥雖高亢確瘠

之田靡不需足西成有望比日以來霖潦相仍合衢婺

徽嚴四溪之水迎入大江之潮水勢迅激紹興蕭山濱
江居下受害獨慘飄蕩廬舍衝壞田野苗腐昏墊是誠
可憫乞下漕東漕倉兩司亟與委官抄剗被水之家優
加賑恤目今合輸官賦權與寬展其田畝淹浸去處則
續議蠲減實一邑更生之大幸從之十六年九月六日
臣僚言恭惟陛下恭儉愛人寬恤備至精誠格天豐稔
婁書入夏以來時雨霽霽畿甸近地上下霑足穡寶垂
垂有秋在望聞之江漕淮堧多苦水溢七閩之地間或
旱乾乞下諸路監司州郡將實被災傷去處遵從條令
日下疾速差官巡行檢視或因雨水浸沒風潮漂蕩斟
酌輕重與議蠲減分數早出牒示通知不得出違條限

嚴行戒約所差官吏務在公心勿為姦弊庶幾佃戶蒙
被實惠得以了還主家之租不至拖延實為公私莫大
之利臣近據江東安撫司言建康府自五月以後雨墊
霖淫江流泛溢請田畝淹浸甚多池州屬縣官舍居民
為水漂蕩太平州低田圩田坍塌淹沒已種之稻悉被
浸腐又聞淮甸如高郵楚州亦多被水去處罹昏墊將
困艱食深為可憫雖帥臣已行賑恤竊慮惠利未周容
有不被其澤者乞下江淮漕倉兩司委官勘實被水之
家優加賑恤淹沒之田合輸官賦早議蠲減俾江淮之
民得免流離凍餒之患從之十七年四月二日詔令鎮
江府於轉般倉見椿管米內取撥一千石付本府理還

借兌數目并充給濟饑民使用并下提領轉般倉所測
西提舉司各證會施行

從本州守臣趙善湘之請也